

LUSITANAE ECCLESIAE
RELIGIO

In administrando

POENITENTIAE SACRAMENTO,

Et Decretalis ea de re

SANCTISSIMI PATRIS

BENEDICTI XIV.

PONTIFICIS,

Propugnata



A LUDOVICO ANTONIO MURATORIO

SERENISSIMI DUCIS MUTINAE

Bibliothecae Praefecto,




Ad Lectorem.

3



Eque Ecclesiae Dei intestina interdum desunt bella, quae ab una Pontificum Maximorum Prudentia & Auctoritate coerceri & componi solent. Nos quidem quae a Saeculi Principibus tam bello quam pace, in remotis etiam regionibus geruntur, facile novimus, quamquam fabulis nonnumquam immixta: Typographis nempe certantibus, ut dum publicis hisce eventibus avidorum Lectorum curiositatem pascunt, sibi lucrum non leve conquirant. Ast ardua Ecclesiae negotia, & potissimum ab Italico Caelo remota, alio fidere reguntur. Nisi publicis Edictis prodantur, vix ab arcanis Principum rebus differunt. Imo etiamsi evulgentur per Constitutionem quampiam Apostolicae Sedis, non unâ tamen de causâ intra angustos limites eorum fama & promulgatio consistit. Hoc idem contigit turbis Anno Ch. 1745. in Lusitania obortis ob perperam a nonnullis, ut ferebatur, administratum Poenitentiae Sacramentum. Tres iam Constitutiones hac de re emisit non minus zelo, quam scientiâ ubique celebra-

lebratissimus Pontifex BENEDICTUS XIV. Et omnium profecto Sacerdotum, qui ad audiendas Fidelium Confessiones adlecti sunt, intererat perspectam in hoc argumento habere Sanctissimi Patris Doctrinam atque mandata. Nibilo tamen secius ad paucos per Italiam controversiae illius series penetravit; fortassis etiam ad plerumque ne ipsius quidem rumor pervasit. Quamobrem neque inutilem, neque ingratam me facturum operam spero, si quae Confessariis observanda in posterum erunt, notiora reddam, simulque ostendam, quam justa ratione pro more suo Apostolica Sedes vix enatum incendium sopiendum curarit.



Regulae Confessariis praescriptae in Sacramento Poenitentiae, quod est ad Complices in peccatis.

CAP. I.



Uod unice curandum est a sacris Poenitentiae Ministris in audiendis Fidelium Confessionibus, illorum justificationem respicit, neque regulariter aliud a Poenitentibus exigere licet, nisi quod spectat ad integritatem Sacramentum quod est ad peccata & circumstantias speciem mutantem fideliter aperiendas, tum ad detestationem criminum, & propositum emendationis in posterum. Inde igitur avertenda est quaelibet indebita Curiositas, & interrogatio de iis, quae nihil ad hunc finem faciunt, ac tantummodo possunt in perniciem interrogantis converti, aut aliorum famae nocere, aut sine necessitate molestiam creare Poenitentibus, eosque avertere a quaerenda in sacro tribunali medicina salutis. Propterea a piis aequae & prudentibus Theologis propositae quaedam Regulae, huc advocandae sunt.

I. Inquirere nomen Poenitentis non licet, neque ejus habitationem, aliasve ejus qualitates, & circumstantias, quae personam illius detegant sine ulla rationabili causa. Recte respondit quaedam mulier de suo nomine interrogata: *Nomen meum peccatum non est*. Ob hujusmodi curiositatem procul dubio peccaret Sacerdos.

II. Non licet Poenitentibus nomen Complicis revelare; ejus enim est peccata sua, non aliena, accusare. Peccato non caret, eoque interdum gravi, qui famae Proximi sine ulla necessitate detrahit. Num tu aequo animo ferres, si quis infamiam tuam alteri proderet? Tu ergo praesta erga alios id, quod ab aliis erga te praestitum cupis.

III. Si quis sponte, ex simplicitate tamen, & ignorantia, Complicis nomen in Confessione detegit, uti rudibus e vulgo hominibus interdum evenit, non peccat. Monendus tamen est, ut in posterum abstineat.

IV. Quicumque iusto aliquo titulo sponte Complicem in Confessione revelat, nullum incurrit peccatum. Iustus exempli causa titulus est, ut petatur consilium ad dirumpendam pravam aliquam consuetudinem, ad consulendum famae propriae, cui minatur insultum Complex, si a peccando desistatur, atque aliae huiusmodi causae. Potior est enim tutela conscientiae & famae nostrae, quam alterius.

V. Nomen Complicis sibi sive per ignorantiam, sive iusto titulo revelatum, sub Sigillo Confessionis Sacerdos retinere debet.

VI. Inter Theologos anceps disputatio est, an oblata sponte a Poenitente licentia revelandi Complicis, ea uti Confessarius possit ad correctionem ejusdem Complicis, atque ad alia officia in utilitatem illius, aut Poenitentis derivanda. Et quidem tot heic diversi casus occurrere possunt, in quibus tam prudenter quam imprudenter ejusmodi licentia uti Confessarius potest, ut certa statui heic Regula nequeat. Sed infra hac de re sermo recurret.

VII. Ad integritatem Confessionis licite potest ac debet Sacerdos Poenitentem interrogare de Complice, quum videlicet occurrere possit circumstantia aggravans, & speciem peccati mutans. Neque enim exempli causa sufficit confiteri commissum carnale peccatum, sed simul aperiendum est, an adulterium, aut sacrilegium, aut incoestus intercesserit.

VIII. Confessarius in hoc casu interrogans, si nomen quoque, aut domum, aut alia signa exquireret a Poenitente, per quae sibi persona Complicis revelaretur, graviter peccaret. Suo enim debito satis Poenitens fecit aperiendo circumstantiam peccati, & dum cetera rite concurrant, absolvendus est. Ulterior Confessarii interrogatio ad peccaminosam Curiositatem est referenda; neque ad eam respondere Poenitens tenetur; imo ex complurium Theologorum sententia pecca-

7
peccaret, si revelaret, ob praeceptum non infamandi Proxi-
mum.

IX. Ubi ex necessitate integritatis Confessionis Poenitens animadvertit, fieri non posse, quin Confessarius Complicem cogniturus sit; puta si res fuit cum Sorore aut Uxore fratris: tunc ex sententia quorundam gravium Theologorum obligatur ad quaerendum & adeundum alium Confessarium, cui ignotus sit Complex. Verum graves alii Theologi sentiunt, consilium hoc esse, non vero praeceptum.

X. Accidere interdum potest, ut adigendus sit Poenitens ad revelandum Complicem, quum nempe agitur de gravibus malis vitandis, quae in perniciem Reipublicae vergere possunt, sicuti accideret, si Principis vita periclitaretur, si aqua mortifera Populo propinaretur, aut ex farina, cui gypsum mixtum foret, panis publicus conficeretur. Ut impediat, si fieri potest, hoc malum, obligatur Poenitens ad exquirendum consilium Confessarii, qui pro sua Prudentia aut per se, aut per ipsum Poenitentem remedia conquirat. Nisi revelare velit Poenitens, minime est absolvendus; nam ex lege non minus iustitiae, quam caritatis, tenetur ille pro virili curare, ut in tuto sit publica salus. De damno vitando, quod privatae alicui personae imminere potest, non loquor; nam fere semper suppressis Complicum nominibus, consilium praebere potest Sacerdos.

XI. Graviter peccat Confessarius, qui aut blandis artibus, aut minis haurire aut extorquere a Poenitentibus nomina Complicum absque justa necessitate velit. Gravius etiam delinquit, si ob negatam revelationem absolvere Poenitentem refuset. Non enim licet infamiam Proximi ex legibus Detractionis investigare; neque ad eam prodendam obligatione ulla constringitur Poenitens; immo, si praecisa necessitate revelaret, ex multorum sententia reum se peccati faceret.

XII. Neque gravis peccati reatum effugeret Sacerdos, si revelationem Complicis exigeret, ut per operam suam correptio, & correctio illius praestaretur. Nam Confessarii mu-

nus tantummodo est curare vulnera Poenitentis, non vero aliena; exquirere peccata Poenitentis, non aliena. Neque is tenetur ad eos corripiendos, qui crimina sua sibi revelare nolunt; imo cavere debet a corripiendo ob scandala, quae inde facile consequerentur.

Atque haec summatim praemississe juvabit ad ea intelligenda, quae subsequuntur.

Turbae in Portugalliae & Algarbiorum Regnis exortae ob nomina Complicum a non- nullis Confessariis exacta.

C A P. II.

NUmquam in Ecclesia Dei tempestates, abusus, & scandala deerunt, numquam lollia cum fruge bona, quae vigilantiam sacrorum Pastorum exerceant, & ad quae aut avertenda, aut praecidenda eorum zelus, doctrina, & auctoritas incumbere debeat. Et sane ante paucos annos in Portugalliae & Algarbiorum Regnis invaluit rumor, nonnullos ex Confessariis solitos esse exigere Complicum nomina a Poenitentibus, & tanta quidem cum severitate, ut revelare nolitibus absolutionem negarent. Neque hoc tantum opere praestitisse ferebantur, sed etiam edocere, usum hunc omnino consonum Ecclesiasticae Disciplinae ex Praecepto aut Consilio fraternae correctionis. Verane an falsa ferret huiusmodi fama, in praesentia expendere, nihil opus est. Infra quaestio haec recurret. Illud certe novimus prodiisse hinc accusatores, inde negantes, & in vulgus ipsum diffusa fuisse huiusce novitatis jurgia, non sine multorum clamoribus & querelis adversus sacros Ministros, non sine quodam ipsius Sacramenti dedecore atque contemptu, quod insolitum jugum cervicibus Fidelium imponeret. Exarsit heic geminorum S. R. E. Cardinalium zelus, hoc est Eminentissimi Thomae de Almeyda Patriar-

Patriarchae Ulyssiponenſis, & Eminentiffimi Nūnī a Cugna in nuper memoratis Regnis Inquiſitoris Generalis; eiſque minime cunſtandum viſum eſt, ut & dignitati Religionis, & diſſidio in dies creſcenti conſularetur. Quamobrem religioſiſſimus Patriarcha publico Ediſto & cenſuris propoſitis cavit atque fancivit, ne quiſquam e Confeſſariis in poſterum nomina Complicum exquireret, ejuſmodi Curioſitatem damnans uti abuſum in Sacramentis, ſimulque contrariam doſtrinam multis nominibus deteſtandam pronuntiavit. Alter vero Eminentis. Cardinalis, ideſt Inquiſitor Generalis, ſuo etiam Ediſto non ſolum eundem abuſum proſcripſit, ſed etiam Poenitentes in futura tempora ſub poena majoris Excommunicationis obligavit ad denuntiandum Confeſſarios, qui in Sacramentali Confeſſione nomina Complicum exquirerent, & quemlibet etiam, qui abſonam hanc & damnandam doſtrinam ſive ſpargeret in vulgus, ſive profiteretur.

Tantum abſuit, ut oborta flamma appoſito huiusmodi repagulo comprimeretur, ut in majus incendium exinde eruperit. Cunctos enim Archiepiſcopos & Epicoſpos utriuſque Regni male habuit, quod nullā aut nimis levi de cauſſa, & ex quorundam tantummodo, ut aiebant, malitia increbuerit hic rumor, a quo, & potiffimum a duorum Cardinalium Ediſtis, indebita atque intoleranda crearetur infamia utrique Clero ſuarum Dioceſeon. Immo in opprobrium quoque ſuam iſta vergere ſinguli ii Antiſtites conquerebantur, quaſi aut per incuriam ignoraffent, aut per damnabilem conniventiam in gregibus ſuis adeo enormes abuſus diſſimularent. Perſuaſum, imo exploratum cuicumque erat, ne umbram quidem erroris & abuſus ejuſdem in ſuis Dioceſibus poſſe offendi. Hinc ergo querelae, hinc gemitus, & praefertim ob injunctam Poenitentibus obligationem denuntiationis, quam neque imponendam, neque ulla ratione ferendam, altis vocibus unusquiſque contendebat. Proinde invaleſcente in dies rumore atque diſſidio, ad centrum Religionis, ad Sedem Apoſtolicam, Romanumque Pontificem ambo Cardinales cauſſam hanc deferendam cenſuere, probe conſcī, ratum fore quidquid ab
ejus

ejus Cathedra prodiret, & quemvis ad vocem Petri iudicia sua, uti Religio postulat, submissurum. Neque suo muneri defuit Sanctissimus & vigilantissimus Pontifex BENEDICTUS XIV. nam Nonis Juliis Anno Ch. MDCCXLV. Pastorales Literas dedit ad Archiepiscopos & Episcopos, per Portugalliae & Algarbiorum Regna atque Ditiones constitutos, quibus praxim damnavit Sacerdotum in Sacramento Confessionis exigentium a Poenitentibus, ut sociorum in crimine nomen & habitatio- nis locum revelarent. Sed ipsius Sapientissimi Pontificis ver- ba praeftat audire.

*Sanctissimi in Christo Patris BENEDICTI PAPAE XIV.
Pastoralis Epistola ad Archiepiscopos & Episcopos
Lusitaniae.*

SUprema omnium Ecclesiarum sollicitudo, & Divina Jesu Christi omnium Pastorum Principis, cujus vices planè im- merentes gerimus, caritas assidue urget Nos, ut pro commissa divinitus imbecillitati Nostrae universi Dominici gregis curâ sem- per advigilantes, periculis animarum, sicubi forte superimpende- rint, per omnes Christiani Orbis Populos ac Nationes opportu- nè quantum cum Domino possumus, occurramus; atque iis prae- cipuè Regnis, & Locis peculiari quodam Apostolicae Nostrae ca- ritatis studio, auctoritatisque providentiâ consulamus, in quibus, cum Fides, Religio, Pietas quammaxime floreat, callidus hu- mani generis hostis nocere Fidelibus dum aperto bello desperat, per insidias molitur, in Angelum scilicet sese lucis transfigu- rans, & e mentis boni specie incautis illudens; quâ ex arte non minora saepe animarum detrimenta, quam ex aggressione mani- festâ, esse proventura nequissimus veterator confidit. In harum autem fraudum numero computamus, quod in florentissimis Por- tugalliae, & Algarbiorum Regnis, & Ditionibus, quibus Vos Antistites summâ cum Sacerdotalis virtutis vestrae commendatio- ne praesideris, & quibus pro singulari erga Catholicam Eccle- siam, atque Apostolicam hanc Sanctam Sedem observantiâ me- ritae debentur laudes, nuper evenisse non sine ingenti animi no- stri

stri dolore cognovimus. Pervenit enim haud ita pridem ad aures Nostras, nonnullos istarum partium Confessarios falsâ zelâ imagine seduci se passos, sed a zelo secundum scientiam longè aberrantes, perversam quamdam, & perniciosam praxim in audiendis Christifidelium confessionibus, & in saluberrimo Poenitentiae Sacramento administrando, invehere atque introducere coepisse; ut videlicet, si fortè in poenitentes incidissent socium criminis habentes, ab iisdem poenitentibus socii hujusmodi, seu Complicis nomen passim exquirerent; atque ad illud sibi revelandum non inducere modo suadendo conarentur; sed, quod detestabilius est, denunciata quoque, nisi revelarent, absolutionis sacramentalis negatione, prorsus adigerent, atque compellerent; imo etiam Complicis ejusdem nedum nomen, sed habitationis insuper locum, sibi exigerent designari. Quam illi quidem intolerandam imprudentiam tum procurandae Complicis correctionis, aliorumque bonorum colligendorum specioso praetextu colorare, tum emendicatis quibusdam Doctorum opinionibus defendere non dubitarent; cum revera opiniones hujusmodi vel falsas, & erroneas sequendo, vel veras, & sanas male applicando, perniciem tam suis, quam poenitentium animabus conscisserent; ac sese praeterea plurium gravium damnorum, quae inde facile consecutura fore praevidere debuerant, reos coram Deo aeterno Judice constituerent. Et verò jam secuta fuisse multa ejusmodi damna infelici experientia compertum est: Nec fieri potuit, quin eâ de causâ & oblocutiones, & scandala, & non Ministrorum tantum, sed sacri etiam ipsius ministerii odium, & animorum ingens conturbatio in Populo fidei exorta sint. Tristia Nos hac nuntia cum accepimus, simul audivimus, contra exitialem hujusmodi abusum proinus justâ indignatione pro munere suo commotos fuisse dilectos Filios nostros S. R. E. Cardinales Nunum a Cunha in iisdem Portugalliae, & Algarbiorum Regnis Generalem Inquisitorem, & Thomam de Almeyda Patriarcham Lisbonensem; atque utrumque sollicitè gliscenti malo compescendo, atque etiam eradicando adlaborasse. Nos autem, ne in tam gravi animarum discrimine ullâ ex parte Apostolico Nostro Ministerio deesse videamur, neve mentem hac super re Nostram apud Vos obscuram,

& ap-

& ambiguum esse sinamus : Notum vobis esse volumus ; memo-
 ratam superius praxim penitus reprobendam esse , eandemque a
 Nobis per praesentes Nostros in forma Brevis Literas reprobari ,
 atque damnari , tamquam scandalosam , & perniciosam , ac tam
 famae proximorum , quam ipsi etiam Sacramento injuriosam , ten-
 dentemque ad sacrosancti sigilli sacramentalis violationem , atque
 ab ejusdem Poenitentiae Sacramenti tantopere proficuo & neces-
 sario usu Fideles abalienantem . Eapropter , Venerabiles Fratres ,
 quamquam de pastoralis vestrae vigilantiae nihil est , quod dubitemus ;
 Supremi tamen Officii quoque Nostri esse censemus , ala-
 critatem ipsam vestram hac mentis Nostrae aperta significatione ,
 & Apostolicis insuper hortationibus nostris intentius acueri ,
 & excitare , ut pro se quisque vestrum opportunioribus , quascum-
 que prudentia suggesserit , initis rationibus , & efficacioribus qui-
 busque juris remediis , quoad opus fuerit , contra delinquentes Mi-
 nistros adhibitis , noxiam hujusmodi novitatem strenue insectemi-
 ni , ac penè nascentem opprimatis ; neque patiamini traditis curae
 vestrae ovibus ibi offendiculum parari , ubi salus a Christo posita
 est , ab eoque divinae misericordiae fonte illas averri , ac deter-
 reri , ad quem ab eodem Redemptore Nostro ad abluendas , deal-
 bandasque in sanguine suo animas amantissime invitantur . In-
 terea , dum a zelo vestro , ac prudentia luculentiora Nobis certò
 pollicemur vestrae pietatis & observantiae argumenta , Apostoli-
 cam Benedictionem cum uberrimâ coelestium charismatum copiâ
 conjunctam Vobis , Venerabiles Fratres , ex animo impertimur .
 Volumus autem , ut praesentium transumptis , sive exemplis , etiam
 impressis , manu alicujus Notarii publici subscriptis , & Sigillo
 Personae in Dignitate Ecclesiastica constitutae munitis , eadem
 prorsus ubique fides adhibeatur , quae praesentibus adhiberetur ,
 & adhiberi posset , si forent exhibitae , vel ostensae . Datum
 Romae apud Sanctam Mariam Majorem sub Annulo Piscatoris
 die vii. Mensis Julii MDCCXLV. Pontificatus Nostri Anno
 Quinto .

Cajetanus Amatus .

Prae-

Praecedentis Decretalis justae caussae, &
quam prudenter in Decreto hoc
processum fuerit.

C A P. III.

Q Uod in primis animadvertendum est, heic damnatur omnis Confessariorum Curiositas, quae necessaria, aut utilis non sit Poenitentibus. Hoc est, eis interdicitur quacumque arte exquirere nomen & habitationem Complicis; & praecipue puniendus dicitur, qui minis & negata absolutione notitiam hanc exculpere conetur. Itaque perversa & perniciofa decernitur Confessariorum illorum praxis, qui a Poenitentibus, socii hujusmodi, seu Complicis nomen exquirunt; atque ad illud sibi revelandum non inducere modo suadendo conantur, sed quod detestabilius est, denuñtiatâ quoque, nisi revelent, absolutionis sacramentalis negatione, prorsus adigunt atque compellunt; imò etiam Complicis ejusdem nedum nomen, sed habitationis insuper locum sibi exigunt designari. Quibus verbis praxis eorum proscribitur, qui nullum justum titulum habentes Complicum nomina scrutantur, & indebitae Curiositatis reos se statuunt. Neque enim sapientissimus Pontifex damnationem ad eos casus extendit, in quibus aut integritas Confessionis, aut publica necessitas, aut Poenitentis ipsius conscientia exigit, ut Poenitens Complicem revelet. Quod quum accidit, ipsum Poenitentem hortari, interdum etiam adigere potest ad revelandum, omisso tamen nomine & loco habitationis, si fieri potest. At quandoquidem nonnulli causam hanc interrogandi de Complice praeferebant, videlicet ut ipsum postea corriperent, atque in ejus utilitatem hujusmodi revelatione uterentur: casum hunc praecipue disertis verbis se damnare Pontifex profitetur, ita ut in posterum, quamvis etiam non palliata, sed in bonum finem excogitata

ea caussa adhiberetur, nulli Confessario liceat inquirere nomina Complicum. Sunt verba Decreti: *Quam illi quidem intolerandam imprudentiam, tum procurandae Complicis correctionis, aliorumque bonorum colligendorum specioso praetextu colorare, tum emendicatis quibusdam Doctorum opinionibus defendere non dubitant.* Quod sane Decretum quam justum sit, & Disciplinae Ecclesiasticae conforme, nemo non intelligat. Ecquando enim sine necessitate infamiam alterius occultam prodere fas est? Imo aut incaute, aut malitiose detectam refarcire, si per nos commode licet, jubemur. Deinde quum Sacerdotes teneantur monere Poenitentes, ut sua quidem, non vero aliena crimina confiteantur: quid est quod ipsi postea sibi potestatem usurpent extorquendi a Poenitentibus aliorum peccata? At hoc, inquam, recta intentione exquirimus, atque ut Complicem quoque ad meliorem frugem deducamus. Sed nulla tibi est obligatio corripiendi, nisi quos Confessio reos in sacro Tribunali statuit. Contra tibi obligatio est servandi sub sigillo, quae tibi in Confessione revelantur, sive Poenitentis sint, sive aliorum. Praeterea indebitis hisce interrogationibus Poenitentes a Sacramento deterres, dum eos prodere cogis id, quod ipsi a detegendo abhorrent, neque ulla obligatione detegendi tenentur. Gravioris etiam peccati reum te facis, quotiescumque ob negatam Complicis revelationem Poenitenti absolutionem negas. Dum suo munere functus fuerit Poenitens, & peccata sua detestatus, eadem plene fuerit confusus cum proposito non peccandi, neque agitur de Recidivis, de Occasione proxima, aut de Poenitentibus diu in coeno gravium Peccatorum volutatis: id juris ad absolutionem Poenitens acquisivit, ut sine gravi injuria, & contemptu, atque abusu Sacramenti Confessarius denegare eandem non possit. Ad haec quisquis ex notitia Complicis in Confessione habita, quamquam licentiâ Poenitentis confusus, Complicem corrigendum suscipit, scandalis non paucis obnoxius est. Indignatur enim quicumque secreta sua crimina detecta videt, suaeque famae vulnus inlatum apud Confessarium. In querelas igitur is facile erumpat, & Sigillum Sacramentale fractum suspicetur, &

Sacer-

Sacerdotem veluti proditorem tanti Sacramenti exclamet: quae certe in perniciem Religionis vergere possunt. At quanto graves tragoedias excitabit Complex, ubi resciverit, non sponte factam, sed extortam fuisse in Confessione revelationem sui nominis, atque licentiam revelatione illa utendi? nam sine hac licentia fracti Sigilli reus foret Sacerdos. Igitur intolerandae Imprudentiae, & zeli sine scientia facinus heic habes. Denique tametsi sine dolo malo, & in bonum tantummodo finem Complicis nomen Confessarius detegendum curaret, fieri non posset, quin hominum malitia id tentatum arbitraretur in pravam aliquem finem: ex quo non levis invidia atque odium adversus ipsum Sacramentum conciperetur. Et sane quum inter tot probos Ecclesiae Ministros vix fieri possit, quin aliquis interdum a Concupiscentia in transversum agatur, & in venenum convertere possit, quae Christus Dominus in medicinam nostram instituit: satis ejusmodi periculum foret, ut omnino praecluderetur in posterum aditus ejusmodi interrogationibus, minime ad Sacramentum necessariis, & tam facile scandala & perniciem animarum parituris. Propterea sapientissime Summus Pontifex in Decretali addidit: *Nec fieri potuit, quin ea de causa & oblocutiones, & scandala, & non Ministrorum tantum, sed sacri etiam ipsius Ministerii odium, & animorum ingens perturbatio in Populo fidei exorta sint.*

Quod autem nunc suprema auctoritate Christi Vicarius inhibuit atque damnavit, concordibus votis antea Theologi improbant, ita ut nulla probabilitate niteretur contraria praxis atque doctrina. Diana Tom. I. Tract. VIII. Resol. 47. quaerit: *An liceat Confessario interrogare de Complice in Confessione in ordine ad ipsius correctionem, & illam facere de licentia Poenitentis.* Tum auctor est, affirmativam sententiam cum aliquibus limitationibus traditam fuisse a Fagundez Praecept. 2. Lib. V. Cap. 2. & Suarez in 3. part. Tom. IV. Disput. 34. Sect. 4. Tum subdit: *Sed tu contrarium tene cum Villalobos, Sylvio, Maldero, Coriolano, Rodriquez, Ledesma, Bannez, Soro, Petro Fay, Lorca, & Nugno, qui oppositum vocat temerarium & perniciosum, tamquam ipsius Sacramenti destructivum; &* ref.

respondet ad omnia argumenta, quae pro affirmativa sententia adducit Suarez. Et ratio est, quia talis correctio non potest effici sine injuria Sacramenti; non est enim negandum, multum derogare sigillo Confessionis notitiam illius ad effectus adeo extrinsecos. Finis etenim intrinsecus Sacramenti Poenitentiae est tantum justificatio Poenitentis, non emendatio Complicis. Caeteras rationes invenies apud Nugnum. Et haec opinio est communis in Schola D. Thomae. Addo ego, eandem sententiam tradi ab Alphonso de Vega, Sylvestro, Wigandt, Octavio a S. Joseph, & aliis. Verum heic animadvertas velim, trahendum non fuisse Suarez tanti nominis Theologum in oppositam opinionem. Aliud enim est, si Sponte Poenitens Complicem revelet, ac licentiam praebeat, ut ejusmodi notitia Confessarius utatur ad ipsius Complicis correptionem; & aliud est, a Confessario extorqueri Complicis revelationem, & corrigendi licentiam. De primo dumtaxat casu disputat Suarez, non de altero; & num. 7. Sect. IV. ejusdem Disput. 34. diferte ait: *Est ergo illa licentia ex objecto suo justa; Suppono etiam esse Sponte datam, & non per injuriam extortam a Poenitente.* Hoc idem ille antea protestatus fuerat Disp. 33. Sect. V. n. 14. Quibus ex verbis satis apparet, non eum loqui de casu nunc damnato, imo & hunc ab ipso tacite improbari. Idem de Fagundez dicendum mihi creditur. Etenim, uti Castropalao docuit Tract. 23. punc. 19. de Sacr. Poen. facultas data a Poenitente revelandi Confessionem, *debet esse Spontanea & libera. Nam vi, & metu extorta censenda est, ac si concessa non esset, tum ob reverentiam Sacramenti, tum ne foveantur injuriae, tum ut Poenitens securus sit de secreto.* Testes hujusce sententiae is adfert Navarrum, Suarez, Fagundez, & Grassium. Ita Sayro in Summa Sacr. Poen. Cap. 31. n. 2. statuit, licentiam revelandi a Poenitente dari debere *Sponte; non enim cogi potest quis ut hanc det Confessario, cum hoc esset contra decus Poenitentis, & in grande detrimentum ejus, & Sacramenti.* Ac propterea Paludanus, & Sanctus Antoninus doceant, coactam licentiam non sufficere, ut Sacerdos audita in Confessione revelare possit.

Atque

Atque ex his intelligis, nullum occurrere ex Theologis, qui damnatam nunc sententiam antea probarit, imo ipsos quoque certatim adversus eandem insurrexisse. Ad illam vero sententiam quod attinet, quae tradit, licere Poenitenti Sponte revelare Complicem, si putet, revelationem hanc cessuram in utilitatem suam, aut ipsius Complicis; simulque eidem licere, (dum Sponte fiat) facultatem concedere Confessario utendi hujusmodi Revelatione ad Complicis correctionem: quisquis attente verba ac mentem prudentissimi Pontificis considerat, continuo agnoscit, eandem minime nigro obelo fuisse confixam. Supponit enim semper Pontifex, non a spontanea Poenitentium voluntate procedere Revelationem, sed quidem persuasionibus & minis injuste adhibitis procuratam atque extortam a Confessario fuisse. De Spontanea ergo Revelatione ac Licentia a Poenitente facta dum loquimur, quam unam Suarez tuebatur, certum est, eandem a Theologis compluribus pertractatam fuisse diversis plane sententiis atque rationibus. Plures pro se Theologos laudat idem Suarez, apud eum legendos. Ego heic Lectori unum Theologum sistam, quem certe uti laxioris doctrinae tutorem nemo infimulet. Is est Natalis Alexander, qui Lib. 2. Theol. Dogmat. Art. 7. Regula 23. conclusionem hanc statuit: *Complicem Confessario revelare non licet, nisi forte servato fraternae correctionis ordine, ut Sacerdos illum ad peccati Confessionem & Poenitentiam hortetur; vel a malo ipsi Poenitenti, aut alteri cuiquam inferendo pro viribus deterreat & prohibeat, arcani religione prudentiaeque legibus servatis; vel ut consilium necessarium quaerat a Conscientiae moderatore.* Hanc in rem adfert ille verba Sancti Thomae Opusc. XII. qu. 6. antea ab ipso Suarez indicata. Inquit enim Aquinas: *De expressione autem personae, cum qua aliquis peccavit, videtur mihi, quod non sit in Confessione facienda, quando potest vitari. Primo quidem, quia prodere crimen alterius, & laedere famam, est peccatum, quod maxime vitandum est in Confessione, per quam quis quaerit praeterita peccata delere. Secundo, quia a Domino (Matth. XVIII.) est forma denunciandi peccatum Proximi descripta, contra quam agere non licet. Tertio, quia in*

Confessione est credendum peccatori confitenti & pro se, & contra se; sed contra alium nullo modo est ei credendum: alioquin daretur multis occasio fictae Confessionis, & fraudulentae infamationis. Et ideo, si potest speciem peccati confiteri non innotescendo personam, cum qua peccavit, peccat eam exprimendo, nisi forte salvato Correctionis ordine, quem Dominus statuit. Si vero speciem peccati exprimere non possit, nisi exprimendo personam, cum qua peccavit, puta si cum Sorore concubuit, necesse est, ut exprimendo peccati speciem, exprimat personam. Sed si fieri potest, debet quaerere talem Confessorem, qui personam Sororis penitus non cognoscat. Sanctus etiam Antoninus 3. Par. Tit. 14. Cap. 19. §. 11. censet, non peccare Poenitentem, sed mereri, si personam Complicis revelet Confessario cum bona intentione, non ut prodatur, vel se excuset; sed ut Poenitentiarius oret pro eo, vel cum secreta admonitione corrigat.

Imo quum Confessarius sit aequae Medicus & Iudex, in quibusdam casibus, non quidem nomen, sed qualitatem Complicis investigare jure potest, ut consulat Poenitentis conscientiae, etiamsi ex ea revelatione consequatur cognitio Complicis. Se positam in Occasione proxima peccandi accusat Ancilla quaedam, cujus herus, & domus noti Confessario sunt. Confessarius pro debito suo interrogare potest, domesticusne sit, an extraneus Complex. Nam ubi domesticum fateatur, is consilium, imo praeceptum dare jubetur, ut quando alia non sit ratio truncandae pravae consuetudinis, ab ea habitatione & famulitio recedat. Itidem si Filius familias Poenitens, in pari casu se positum interrogatus fateatur, poterit Confessarius ab eo rogatus adire illius Patrem, & non crimine, sed periculo dumtaxat Filii exposito monere, ut occasione aliqua arrepta Ancillam dimittat. Ceterum quod est ad corripiendum directe Complicem (sponte a Poeniteute revelatum) utique potior ea sententia videtur, fere numquam immiscere se debere Confessarios in procuranda Complicum emendatione. Primo, quia Vasquez in 3. Part. Tom. IV. Quaest. 93. Art. 4. Dub. V., & Kellisonius Tom. 2. in 3. Par. Quaest. 11. Art. 1. Dub. 2. sentiunt, teneri Confessarium

Sigil-

Sigillo etiam in favorem Complicis; ita ut ei minime liceat revelare Complicem ex venia tantum sibi facta a Poenitente, sed ad hoc etiam requiratur venia Complicis ipsius. Quae quidem Opinio, etsi adversarios habeat Suarez, Malderum, Hurtadum, Johannem Praepositum, & Dianam, nihilominus probabilis, & tutior esse non desinit. Secundo, quia Correctionem & Justificationem Poenitentis, ut diximus, non vero aliorum, procurare, Confessarii est munus. Tertio, quia in manu plerumque est Poenitentis resistere temptationibus, & abscindere telam peccatorum sine ulla correctione Complicis. Quarto, quia variis periculis & scandalis (juvat enim repetere) obnoxia est Complicum revelatio & correctio, quae ex Sacramentali tantummodo Confessione hauritur. Tanta profecto est, atque adeo delicata Sigilli Sacramentalis custodia, ut vel ab umbris abstinendum sit, quae illius fracturam olere possint. Timendum, ne postea Poenitens neget, se facultatem revelandi dedisse. Uno verbo, enitendum Apostolo docente 2. Cor. VI. 3. ut sive jure sive injuria, *non vituperetur ministerium nostrum*. Vide Dianam Tom. I. Tract. 8, Resol. 48., & 49.

An damnatus abusus fuerit Lusitaniae Clero
adscribendus. Continuatae turbae, vel
post Pontificiam Decretalem.

CAP. IV.

Diximus, in grave incendium erupisse flammam discordiae per Portugalliae, & Algarbiorum Regna ob disseminatum ubique rumorem de perniciofa praxi adigentium Poenitentes ad revelationem Complicum, atque insuper negantiam absolutionem revelare nolentibus. Nullus enim ex Archiepiscopis, & Episcopis Lusitaniae fuit, si Ulyssiponensem Eminentissimum Patriarcham excipias, cui imaginarium vi-

sum non fuerit hoc malum, indebitaque ignominia oneratum doluerit Regnorum illorum Clerum tam Saecularem, quam Regularem. Nulla nimirum diligentia ab iisdem Sacris Pastoribus praetermissa est in investigando, an quisquam e Confessariis in ejusmodi excessum abreptus fuisset, aut perniciosam hanc opinionem edoceret sive probaret. At nemo e Saecularibus inventus est, cui id acciderit; neque ex copia tanta piorum Ecclesiae Ministrorum, amorem veritatis & zelum Religionis profitentium, ullus repertus, qui accusationes aut querimonias hac de re umquam audierit. Una proinde vox fuit in tot Dioecesibus, confictum fuisse a malevolis nonnullis hoc monstrum; & plerisque persuasum fuit, ne in ipsa quidem Ulyssiponenſi Civitate atque Dioceſi vera illius vestigia fuisse deprehensa. Origo autem excitati turbinis haec fuisse a non paucis creditur. Sacras Missiones exercent in multis Lusitaniae partibus religiosissimi quidam Sacerdotes ex Ordine Sancti Francisci, plerique generis nobilitate conspicui, ii nempe, qui Seminarium quoddam incolentes, tum Literarum studio, tum Pietatis, atque Observantiae Regularis professione ita excellunt, ut ex iis ad Episcopalem Cathedram aliquis saepe adsumatur, & eorum virtus ac zelus in universa Lusitania commendentur. Quod variis in locis scandala complura, curantibus atque admittentibus piis hisce viris, excisa sublataque fuerint; & praecipue quod exilio aliisve poenis multati fuerint Religiosi nonnulli ad confabulandum cum Sanctimonialibus non sine Sacrorum Canonum contemptu nimium proclives: factum est, ut homines ad vindictam proni non solum ad aures Eminentissimorum Patriarchae, & Generalis Inquisitoris detulerint, sed etiam in vulgus disseminare coeperint, Missionarios praedictos Sacramentalis Confessionis fecerint uſos, sive abusus fuisse ad procurandam scandalis medicinam, & ad castigandos Religiosos illos adeo Disciplinae Regularis oblitos. Sed num ad Sacrae Poenitentiae penetralia recurrendum erat, ut Nobilium, aut Plebis, ipsorumque interdum Monachorum publice flagitia rescire, atque eliminare fas esset? Attamen accusatoribus hisce, quamquam hac in

re non

re non uno nomine fide parum dignis, fides est habita; eo-
que processit eorum confidentia, ut etiam scriptis incitarint
Eminentissimos Patriarcham, & Generalem Inquisitorem, ad
acriter insurgendum adversus novam hanc Sectam, in eorum
tamen dumtaxat cerebris natam. Ipsos insuper Episcopos
ausi sunt traducere veluti novitatis hujus fautores; imo ex
quo ad Pontificem Maximum devoluta fuit controversia, spar-
gere per vulgus non erubuerunt, pestem hanc per univer-
sam serpere Lusitaniam, passimque illius fautores, imo & Do-
ctores offendi.

Diu fluctuarunt Episcoporum animi inter patientiam, &
necessitatem propriae tuendae famae, tum ob amorem pacis,
tum ob reverentiam erga Sacrum Inquisitionis Lusitanae Tri-
bunal. Denique ad Summum Pontificem, communem vide-
licet Patrem, ipsi quoque suas detulere querelas, contenden-
do in primis, post sollicitam veritatis investigationem se nul-
lum vestigium, imo ne umbram quidem detestandae hujus
praxis in Dioecesibus suis invenisse. Excogitatam & diffusam
fuisse hujusmodi calumniam a quibusdam hominibus, ut invi-
dia crearetur adversus summe pios utilesque Ecclesiae viros.
Potissimum vero conquerebantur de Edicto a Sacra Inquisi-
tione promulgato, quod Anathema Poenitentibus indixisset,
nisi Confessarios denuntiarent, a quibus interrogati de Com-
plice fuissent. Intolerandum hoc esse onus multis ex titulis
clamabant, atque per illud absterreri Fideles a Sacramentali
Confessione; seque propterea rogare ac sperare a sapientissi-
mo & Sanctissimo Patre efficax ad haec mala pharmacum,
ne venenum latius serperet, atque animorum discordia auge-
retur. Rescripsit benignissimus Pontifex, se nequivisse de ve-
ritate facinoris dubitare, quando fidem de illo faciebant Edi-
cta publica geminorum Cardinalium, eorumque Literae ad se
conscriptae; ceterum se daturum brevi operam, ut quae
emendatione indigebant, ad rectam normam redigerentur.
Neque omittendum est, in excessum abiisse nonnullorum con-
fidentiam, quando non solum passim distitarent, sed etiam
ad Summum Pontificem scripserunt, Episcopos omnes Lusita-

nos in errore obfirmatos esse, nullumque eorum obsequium, & obedientiam sperandam fore ad quaecumque hanc in rem prodirent Sedis Apostolicae Decreta. Sed contra evenit. Pontificiam Decretalem alacriter susceperunt Praesules ii universi, & summa veneratione deosculati sunt, gaudentes nihil aliud in ea inveniri, nisi suam ipsorum Doctrinam, & prudentissima ratione consultum in ea fuisse excessibus, si quos forte Lusitana tellus antea tulisset. Vice autem versa, etsi ex Pontificia Pastoralis satis aperte deducatur, tacite improbari a Sanctitate sua onus Denuntiationis ab Eminentissimo Inquisitore Generali impositum Poenitentibus: nulla tamen ibi facta est novae hujus Legis correctio, atque in sua sententia, & Edicti tutela acrius quam antea idem Eminentissimus perseveravit. Serenissimus autem & piissimus Lusitaniae Rex Johannes V. uti Princeps Catholicae Ecclesiae addictissimus, in hujusmodi controversia suae Pietatis, & erga Pontificem Maximum venerationis, perspicua praebuit argumenta. Nam circa factum rescripit Pontifici laudando zelum Cardinalium, & Pontificis ipsius animum moerentem consolando. *Nihil enim, inquit, aliud in hac re intervenit, nisi rumor tantum & suspitionabilis abusus.* At vero circa jus noluit alterutri parti favere. Imo non semel Ministro in Romana Curia suo injunxit, ne ullam animi inclinationem circa hoc negotium ostenderet, atque ut in hoc plenum erga Sanctam Sedem obsequium suum patefaceret. Tum quidquid Pontifex decrevit, jussit Rex adamussim executioni mandari.

Quid tum Episcopi? Dolere contemptum Pontificii Decreti; ingemiscere ob usurpatam ab Inquisitionis Tribunali auctoritatem, & jurisdictionem non solum Episcopalem, sed & Pontificiam; atque irasci, quod minime tolleretur nullo jure imposita Denuntiationis obligatio, a qua abstinuerat prudentissimi & jurisconsultissimi Pontificis Epistola Decretalis. Itaque omnes in eam inclinabant sententiam, Pastoralibus Literis in publicum emissis deiciendum esse male compaginatam Inquisitionis aedificium. Et sane Archiepiscopus Ebo-
rensis, consultâ in primis Congregatione virorum aequae fa-
pientum

piendum atque doctorum, Pastoralem hac de re emittendam censuit, in qua nihil modestiae desideratum est, & omnino servata fuit reverentia erga sacrum Inquisitionis Tribunal. Adversus eximium hunc Praefulem sanguinis cognatione cum ipso potissimum Lusitaniae Rege conjunctum, quem non tantum ejus oves, & probi quilibet, sed ipsa etiam Apostolica Sedes, uti illustre sacrorum Pastorum exemplar suspiciunt, quantum dentes Synagoga maledicentium acuerit, vix dici potest. Sed jamdiu mercedem iniquam hanc recipere consuevit vera Pictas in terris, ut justam, & uberiolem denique consequatur in Caelis. Alteram quoque Pastoralem ad suum Populum Archiepiscopus Algarbientis dedit, ut sua jura tueretur. Reliqui vero Episcopi cupientes vincere in bono malum, & leniora quaeque experiri remedia, quando ad supremum Ecclesiae Tribunal redacta erat causa, in unius summi Pontificis providentia confidere maluerunt; ac propterea novis Literis Sanctissimum Patrem orarunt atque obtestati sunt, ut quae rescindenda erant suprema sua auctoritate rescinderet, & honori Sedium Episcopaliū, simulque conscientiae Fidelium consuleret. Bene est temporibus nostris, quod in Cathedra Petri Pontifex sedeat, quo nemo peritior in Canonum scientia, & qui tamen numquam refugit audire consilium Fratrum, doctorumque hominum, quibus Romana Curia potissimum abundat. Et exploratum quidem est, Sanctissimum Patrem vivae vocis oraculo declarasse, subsistere non posse obligationem Denuntiationis. Is tamen, quum nihil antiquius habeat, quam paterna mansuetudine procurare, quae imperio exigere potest, Literis iterum datis ad Eminentissimum Cardinalem a Cugna hortatus est, ut eandem obligationem revocaret. Nullum tamen, quem sciamus, fructum ex paternis monitionibus fuisse reportatum novimus, uti infra dicemus. Hic status rerum tunc fuit. Quid juris, nunc nobis expendendum restat.

Utri partium in hujusmodi concertatione major fides habenda.

CAP. V.

Nulla dubitatio est, quin Eminentissimi Patriarcha, & Inquisitor Generalis, attestaciones procurarint, & corraferint, ut ostenderent & confirmarent opinionem suam de vulgata per universam Lusitaniam erronea praxi, & damnata doctrina exigentium revelationem Complicum. Pro certo etiam habetur, attestaciones ejusmodi, & quasdam Denuntiationes & querelas hac de re factas ad Tribunal Inquisitionis, Romam fuisse transmissas ad justificandam Edictorum promulgationem. At excipiebant Archiepiscopi & Episcopi, hasce testificationes ab hominibus parum probatae vitae, atque invidentibus bonae famae piorum quorundam virorum, prodidisse. Existimationem & honorem Cardinalium poposcisse, ut quando nimis facile antea accusatoribus fidem habuerant, caverent, ne errasse viderentur; conquisitos propterea testes; neque defuisse assentatores, & malevolos, & metu tantarum potestatum adactos, qui se audivisse, aut experientia didicisse testarentur, flagitiosam opinionem & praxim jam diffusam per Lusitaniae ditiones. Contrariis vero testimoniis pugnarunt reliqui Episcopi, quibus persuasum erat, confictam fuisse sectam & opinionem illam, ab ipsis quoque damnatam. Nam post diligentem inquisitionem rei, praecipue apud Parochos & Confessarios suarum Dioeceseon utriusque Cleri factam, Archiepiscopi Eborensis, & Algarbiensis, Episcopi Portugallienfis, Conimbricensis, Albenfis sive Helvenfis, Mirandensis, Lamecensis, Egitanensis (& quidem tres hi postremi quamquam Suffraganei Ulysiponensis Patriarchae) in literis ad Summum Pontificem datis protestati sunt, se nullum vel minimum offendisse vestigium criminis hujus. Archiepiscopus quoque Bracharensis, Episcopus Vifensis, & Episcopus Portallengrensis

grensis (quamvis & ipse Ulyssiponenſis Patriarchae Suffraganeus ſit) idem ſignificaverunt in literis ad Nuntium Pontificium, atque ad alios datis. Imo ex his nonnulli ad ipſum Romanum Pontificem, atque ad Eminentiffimum Valentem Gonzagam, atque ad alios Cardinales ſcripſerunt, compertum ſe habere, ne in ipſa quidem Civitate & ampliſſima Dioceſi Ulyſſiponenſi locum umquam fuiſſe ejusmodi errori & pernicioſae praxi; diſſeminatam vero calumniam hanc a quibuſdam, qui zelo, & pietate geminorum Cardinalium abuſi, infamiam hanc inrogare Luſitaniae Clero non ſunt veriti. Episcoporum ſuffragiis majus acceſſit robur a paribus teſtificationibus complurium Praelatorum, Generalium, Provincialium, aliorumque Doctorem ac Magiſtrorum, tam ex Saeculari quam ex Regulari Clero. Hi tamen omnes in Luſitania palam loqui minime audebant ob malediſta atque convicia, quae loquentibus impendebant. Nam adverſariis id paſſim licebat; & quicumque contra ſentiebat, ſuamque ſententiam manifeſtabat, licet Praeſul Eccleſiaſticus eſſet, contumeliis paſſim inſeſſebatur. Ob eam rem ab indicandis nominibus eorum, qui atteſtationes ſcripſerunt, ſuperſedemus. Satis ſit teſtari, plurimas graviſſimorum virorum eſſe a nobis inſpectas, eaſque ad Romanam Curiam fuiſſe perlatas. Ii autem omnes, quum ad audiendas Confeſſiones frequenti exercitatione ex munere ſuo incumbere, affirmabant, numquam ſibi innotuiſſe, alicubi in proſcriptae nunc praxi abuſum quemquam abreptum fuiſſe; quum tamen vix fieri potuerit, quin querela aliqua Poenitentium, aut ſaltem ramuſculus quiſpiam ad eorum aures perveniret iſtius exceſſus. Certe ſi aliquando Poenitenti alicui negata abſolutio fuiſſet, quod Complicem non neceſſarium ad integritatem Sacramenti revelare noluiſſet; percuſus ille novitate rei, & facile etiam Curioſitatis indubitae injuſtitiam ſentiens, vix querimoniis in publicum temperaſſet, & ad alios ſaltem Confeſſarios injuriam ſibi inlatam detuliſſet. Ad haec ſi quis e Confeſſariis pravam hanc opinionem tutatus fuiſſet, quam ſupra vidimus a Theologis omnibus antea improbatam: putaine, impune ceſſuram fuiſſe

tan-

tantam illius temeritatem; ubi copia Theologorum non deest? E tot etiam piis viris tum Cleri Saecularis, tum Regularium Ordinum, si quis Confessarium quemquam hac in re delinquentem novisset, nonne doluisset, & Episcopos huiusce abusus confcios fecisset? Et nihilominus ne unus quidem reprehensus, nedum castigatus antea reperitur.

Inter tot ambages, & pugnantia inter se testimonia, quod Lectori sentiendum sit, arduum nimis est decernere; & nobis potissimum, quibus minime perspectae sunt personae accusatrices, & testimonium qualitates, maxime in id genus concertationibus expendendae. Equidem compertum habeo, Romam adductas pro Eminentiss. Patriarcha Attestationes complurium simulque gravium virorum utriusque Cleri testantium jam investum errorem nunc damnatum, ejusque consecraria deplorantium, ita ut eidem Purpurato justa videatur adfuisse causa Pastoralis suae evulgandae. Verum minime novi, quid referant ejusmodi testes, & an intra unam Dioecesim Ulysiponensem se contineat illorum assertio: quod in praesenti causa nosse plurimi referret. Sub oculos tantummodo habui praecipuam denuntiationem eorum, qui & accusatores & testes fuisse traduntur ejusmodi flagitii, ab Episcoporum tamen patronis impugnata, & uti nullius roboris demonstrata. Quid fuerit, quid sit, non est meum judicare, quamquam fortasse testes ab Eminentissimis Cardinalibus pro se adhibiti, neque numero, neque dignitate, neque aliis de causis, comparandi sint cum tot piissimis Episcopis, & praeclarissimis utriusque Cleri testibus, quibus veritati minime conformis visa est ejusmodi, saltem in ardore certaminis nimium amplificata, accusatio. Attamen in controversia hac maxime omnium consideranda veniunt prudentissimi Pontificis verba in Constitutione, quam infra adferemus. *Nuntium, ait Sanctissimus Pater, accepimus, non levi aliquo incertoque rumore ad Nos perlatum, sed ita gravibus solidisque fundamentis innixum, ut prudentem omnino fidem de periculi cum veritate tum magnitudine facerent. Vix fieri ergo potest, quin merito insimulatus quisquam fuerit ejusmodi erroris;*

ris; sed simul verisimile est, non excessisse improbandam hanc praxim extra fines Ulyssiponenſis Dioecefis, ita ut ne teſtibus quidem graviffimis & quamplurimis ab Epifcoporum parte productis fit neganda fides. Porro inique ageret, qui univerſo Luſitanorum Clero tribueret, quod Pauci dumtaxat in ampliffimis Civitatibus & Populis delinquant. Et quicumque adeo famam exaggeravit perverſae hujus novitatis, quaſi Luſitaniam integram, aut ejus non modicam partem infecerit, quamvis reclamantibus tot Epifcopis & teſtibus, ſtabit ante Tribunal Chriſti rationem redditurus, num veritate bene perſpecta fretus, an aliquo improbo affectu raptus, & bonifine an falſis tabulis, tantam contumeliam amplificavit, ac tam longe dilatarit. Ceterum quae heic dicimus, minime obſtant, quin ſummopere laudandus ſit zelus Summi Pontificis BENEDICTI XIV. quod memoratam praxim & opinionem publicis decretis confoderit. Paucorum praevaricatio, ut in tot aliis ab Apoſtolica Sede damnatis Propositionibus factum novimus, ſatis fuit ac futura eſt, ut Supremus Eccleſiae Pontifex, quid ſentiendum fugiendumque ſit decernat. Et quamvis ne unus quidem proſcriptae ſententiae antea auctor aut diſſeminator fuiſſet, juſta nihilo ſecius numquam deficit cauſſa proſcribendi, ne quiſquam in poſterum ad pernicioſum illud dogma deſlectat.

An juſte de uſurpatâ auctoritate
conqueſti fuerint Luſitaniae
Epifcopi.

C A P. VI.

INter querelas, ab Archiepiſcopis & Epifcopis Luſitaniae ad Sanctae Sedis Tribunal delatas, ea in primis occurrit:
ſci-

scilicet aut usurpatam aut vili habitam fuisse a Lusitana Inquisitione auctoritatem & jurisdictionem suam, dum publico Edicto non solum proscripsit sive certam, sive incertam praxim & opinionem interrogantium de nomine Complicis in Sacramentali Confessione, sed etiam novum insuetumque iugum imposuit Fidelibus Poenitentibus suarum Dioeceseon. Suum esse munus, & Summi praesertim Pontificis, aiebant, non vero Sacrae Inquisitionis, novas, & menti Ecclesiae contrarias doctrinas configere, sibi que creditos greges monere atque obligare, ut a veneficiis iis herbis & pascuis abstineant. Inrogatam propterea sibi injuriam ab Inquisitione fuisse, quae inconsultis ipsis Episcopis leges ad Sacramenta spectantes promulgavit, atque ad eas servandas adigere se posse censuit Fideles curae Episcoporum commissos. Et iustissimo quidem titulo iidem exposulasse dicendi sunt. Possem ego in lineam interminatam protrahere sermonem, si cuncta congerere vellem, quae de Dignitate & Auctoritate Episcoporum tum Romani Pontifices, tum Concilia, & Sancti Patres, ipsique recentiores Theologi tradidere. Paucis contentus ero. Nemo certe Eruditorum nescit, Episcopos *Successores Apostolorum* esse, uti prae ceteris Sanctus Gregorius Magnus, Sancti Pacianus, & Hieronymus agnovere; atque a Deo in illos descendere Potestatem & Honorem, quo fruuntur, utpote de quibus Apostolus scripsit Act. XX. 28. *Attendite vobis, & universo gregi, in quo vos Spiritus Sanctus posuit Episcopos regere Ecclesiam Dei.* Ipse propterea Paulus Titum Episcopum Creten-sibus datum monebat, ut doceret, argueret, corrigeret quidquid in Fide & moribus emendationem posceret; hoc enim praecipue ad Episcoporum munus ac Ministerium spectat. Apostolorum vero discipulus Sanctus Ignatius Martyr in Epist. ad Smyrneos scribebat: *Omnes Episcopum sequimini. Sine Episcopo nemo quidquam faciat eorum, quae ad Ecclesiam spectant.* Inter Canones, qui sub Apostolorum nomine vulgati sunt, Quadragesimus haec habet: *Presbyteri & Diaconi praeter Episcopum nihil agere pertentent. Nam Domini Populus ipsi commissus est, & pro animabus eorum hic redditurus est rationem.*

rationem. Paria habet Constitutionum Apostolicarum Auctor Lib. 2. Cap. 26. Quamobrem nulla dubitatio est apud viros doctos, quin jure divino nitatur Episcoporum auctoritas & jurisdictio, atque ad ipsorum jus spectare, non solum in Conciliis germanam Christi doctrinam statuere, sed & in suis Dioecesibus corrigere & prohibere quicquid ab ipsa Doctrina Fidei & morum dissentit. Quae quum dicimus, nihil officitur supremae Romanorum Pontificum auctoritati & praeceminentiae, quae se per universam Ecclesiam extendit; nam Episcoporum decreta ea semper sub conditione, saltem tacita, feruntur, ut obnoxia sint correctioni Apostolicae Sedis, quae plenitudinem regiminis ex Christi voce accepit, cujus potestas ad conservandam unitatem Ecclesiae & Fidei necessaria est, & pro qua Christus rogavit, ne Petri, ejusque Successorum umquam Fides deficeret.

Hisce autem Episcoporum jurebus & auctoritati inconcussae in suis Dioecesibus, etsi ex institutione Inquisitorum haereticae pravitatis, primo aspectu multum videatur detractum: revera tamen eorum Dignitas atque jurisdictio minime deliquium est passa. Adhuc enim Episcopus in sua Dioecesi ordinarius est Inquisitor, sive Inquisitor natus, & in crimina ad Religionem pertinentia suum pergit esse jus Episcopali foro. Quae vero & quanta nostris quoque temporibus tum ex ordinaria tum ex delegata auctoritate possint Episcopi, multis ostendit Barbosa in Libris de Officio & Potestate Episcopi. Atque haec ipsa jura laedere minime consuevit Apostolica Sedes, nisi quum Episcopi sua culpa iisdem se privant, & exposcit necessitas Ecclesiae universalis, quae potissimum vigilantiae & officio Romanorum Pontificum, ipsi Ecclesiae universae Praefectorum, est commendata. Semper enim Pontifices iisdem meminere, quae Gregorius M. Lib. 2. Ind. X. Epist. 47. ad Dominicum Carthaginensem Episcopum his verbis scripsit: *Sicut nostra defendimus, ita singulis quibusque Ecclesiis sua jura servamus*. Notissimum vero est, investos primum fuisse Inquisitores haereticae pravitatis, quod in Occidente longe lateque serperet Manichaeorum Haeresis, variis
tunc

tunc sub nominibus cognita. Nimirum delecti & delegati à Sancta Sede fuerunt viri non minus doctrina quam zelo Religionis conspicui, qui grassanti illi pestilentie sese opponerent, & animose corrigerent quidquid ejus temporis Episcopi aut facere negligebant, aut non audebant, aut nolebant, ne potentum odia incurrerent. Haec eadem ratio sive necessitatis, sive utilitatis, in causa fuit, cur per subsequencia quoque tempora servatum fuerit sacrum Inquisitionis Tribunal: quod tamen minime impedit, quo minus & Episcopi ordinaria sua auctoritate utantur ad cohibenda Populi vitia & peccata, quaecumque Religionis puritati adversantur. Et sane Urbanus IV. in Literis ad Inquisitores datis Anno Ch. 1261. & a Francisco Pegna ad calcem Directorii Inquis. relatis, liberum Dioecesanis Episcopis, *sive auctoritate ordinaria, sive delegata procedere* in negotiis ad Fidem spectantibus. Inquisitores autem jubentur *de Dioecesanorum, vel Vicariorum suorum Consilio procedere*. Idem habet Bonifacius VIII. in Constit. edita circiter Annum 1296. ubi ait: *Dioecesanis Episcopis, quin & ipsi auctoritate ordinaria, vel delegata (si habent) procedere valeant, nolumus derogare*. Nimius autem essem, si Pontificum Maximorum Bullas quasque delibare vellem, in quibus illaesa decernitur Episcoporum jurisdictio in iis ipsis corrigendis, ad quae delectum itidem fuit sacrae Inquisitionis Tribunal. Ex Eymerico in Par. 3. Direct. Quaest. 47. & sequentibus petat Lector, quid Episcopus sine Inquisitore possit, & contra; & quatenam concordia inter eos futura sit; & *quando non possunt ad invicem concordare, tunc negotium bene instructum uterque destinet D. N. Papae*: quod ex decreto Bonifacii Papae VIII. depromptum est..

Hisc positis videas, non injuria conquestos fuisse Lusitaniae Episcopos de contempta sua Dignitate atque auctoritate, quando sacrae Inquisitionis Tribunal, aut ipsis inconsultis, aut ipsis etiam repugnantibus, Legem tulit novam, qua afficerentur universi Dioeceseon Lusitanarum Populi. Nam quod controversia illa ad Apostolicam Sedem perducta fuerit, injuriam non minuit Episcopis inlatam; haec enim inlata jam fuerat

ex Lege infueta, ad quam minime auditis Episcopis Inquisitione processerat. Exigebat res nova, res tanti momenti (nempe agebatur de gravandis Populis ad tot Dioeceses spectantibus) ut suffragia quoque Praefulum exquirerentur; & si forte in discordes sententias animi scinderentur, res integra deferretur ad Apostolicam Sedem, cujus consuetudinem Prudentiam, ac supremam auctoritatem id statueretur, quod omnibus servandum foret. Accedit, quod novas sententias regulis Fidei & Morum contrarias Episcopis in prima instantia damnare & prohibere licet: quod an liceat Inquisitoribus, infra expendemus. Denique Inquisitores cum Episcopis ad causas Fidei conveniunt, ut docent Glossa & Abbas in c. *ad abolendum de Haereticis*, Sylvester verbo *Haereticus* §. 2. n. 10. Carera de *Haereticis* n. 67. Decianus, Simancas, Royas, ut alios omittam. Num ergo in tanti ponderis negotio negligere, ne dicam contemnere, licuit Episcoporum sententiam? Et profecto quin justus fuerit eorum dolor, & legitima querela, dubitare nos non sinit Pontificis sapientissimi Epistola Pastoralis, sive Decretalis. Namque is, uti prae ceteris scientissimus, quam reverentiam vel ab ipsis sacrae Inquisitionis Ministris exigit Episcopalis Dignitas, non ad Inquisitorem Generalem, sed ad ipsos scripsit Episcopos, eisque significavit, quid sentiendum ea de re in posterum foret. Neque id factum putes, quod suppositum contumeliosa accusatione Sanctissimo Patri fuerit, Episcopos protervos ne ipsius quidem Sanctae Sedis iudicio frontem esse inclinatuos. Nam eximius Pontifex de eorum obedientia ne hilum quidem dubitans, in laudes tantummodo singulorum excurrit, atque eis mandat, ut pro se quisque vestrum opportunioribus, quascumque Prudentia suggererit, initis rationibus, & efficacioribus Juris remediis, quoad opus fuerit, contra delinquentes Ministros adhibitis, noxiam hujusmodi novitatem strenue insectemini, ac paene nascentem opprimatis &c. Quid aliud hoc est, nisi coram universo orbe testari, se agnoscere Episcopos constitutos a Deo ordinarios in suis Dioecesibus Inquisitores, ac tacite Eminentissimum Inquisitorem Generalem edocere, qualis ab ipso quoque in hoc negotio reverentia impendenda erat erga Apostolorum Successores?

An

An leges de rebus novis ad Dogma, & Disciplinam Ecclesiae spectantibus ab Inquisitionis Lusitanae Tribunali, inconsulto Summo Pontifice promulgatae, obligent Fideles.

CAP. VII.

Indoluerunt etiam Episcopi, quod Lusitanae Inquisitionis Praefectus Generalis Eminentissimus potestatem sibi adrogavit condendi inconsulto Pontifice Leges in his, quae aut Catholicae Fidei doctrinam, aut praecipua Ecclesiasticae Disciplinae capita respiciunt, inter quae procul dubio adnumeranda est Sacramentorum praxis. Uti praemisimus, interdictum minime est Episcopo in sua Dioecesi novam aliquam Opinionem aut praxim configere & vetare; ejus tamen decreta, etsi Dioecesanos obligent, tamdiu vim legis retinent, quousque aliter non videatur visibili totius Ecclesiae Pastori, aut Generalibus Conciliis quibus aut ipse Romanus Pontifex, aut ejus Legati praesideant; illorum enim est plenaria auctoritate probare vel praecipere, & contra improbare & prohibere, quaecumque ad Religionem pertinent. Atqui petas: nonne & Inquisitori Generali Lusitaniae Opinionem & praxim interrogantium absque justo titulo de nomine Complicum damnare licuit? Ad Quaestionem hanc solvendam opus est intime agnoscere, quae & quanta sit Sacrorum Inquisitorum auctoritas. Audiendus heic Nicolaus Eymericus Ord. Praed. qui Saeculo Ch. XIV.. Inquisitorem in Aragonum Regno egit, & Inquisitorum Directorium ad posteros emisit. Sunt ejus verba Quaest. IV. inter Quaestiones CXXX. *Inquisitor non est Ordinarius Judex, sed Delegatus D. N. Papae: quia nullam habet jurisdictionem nec in personis, nec in criminibus, nec in causis, nisi ubi, quantum, & circa quos ei confert D. N. Papa.*

*Papa. Unde licet Episcopi utantur potestate Ordinaria in non exentos, & Delegata in exentos juxta C. Ad abolendam. §. Si qui vero de Haereticis &c. Inquisitores tamen non ordinaria, sed semper delegata utuntur, quia auctoritate Apostolica. Eymericum in eadem sententia sequuti sunt Caesar Carena, Ignatius Lupus, Thomas del Bene, & reliquus Theologorum chorus, ita ut hac de re nulla superfit controversia. Quare etsi grandia nomina, grandis auctoritas sit Inquisitionis Hispanicae & Lusitanae, quidquid tamen potestatis eis tribuitur, a Delegante procedit, hoc est a Romano Pontifice. Habemus in hanc rem Literas variorum Pontificum in Bullario Romano, & alibi, collectas partim a Francisco Pegna, partim a praelaudato del Bene. Neque enim a Saeculari Potestate potuit Inquisitoribus conferri sacra auctoritas; neque Presbyteris, sive Theologis meris facultas a Deo conlata est condendi Leges, uti datam Episcopis, quorum sunt propriae oves, & praesertim Petri Successoribus, nemo negat. Delegati autem, ut est in l. 7. de Officio ejus, cui mandat. *jurisdic. proprium nihil habent, sed ejus, qui mandavit, jurisdictione utuntur.**

Ex his ergo sequitur, nihil aliud auctoritatis & potestatis esse cuicumque Inquisitori sive in Italia, sive in Hispania & Lusitania, quam quae eis tributa est ab Apostolica Sede. Qualis autem ea sit, ex Edicto, quod identidem Inquisitores promulgant, a Romana Inquisitione probato atque praescripto, ediscere possumus, uti & ex variis Romanorum Pontificum Literis & Bullis, quibus explicantur pertinentia ad Inquisitorum jurisdictionem. Scilicet eorum curae committitur invigilare, ne Haereses, aut Propositiones, aut Actiones ad Fidei doctrinam spectantes, & jam antea ab Ecclesia damnatae, locum habeant in grege Dominico, & ut in fontes animadvertant. Dixi jam damnatae. Neque enim eis concessum videtur, ut inconsulto Summo Pontifice aliquod novum Dogma sive Propositionem damnent, ita ut eorum decreta conscientias Fidelium obligent. Facultas haec Legislativa in iis tantummodo residet, quibus a Deo conlata fuit, hoc est

C

plena.

plenaria in Pontifice Maximo, & Conciliis Generalibus cum eodem concordibus, & partialis in Episcopis, sive in Concilio aggregatis, sive in suis Dioecesibus, ad avertenda e Populo suo semina perversae doctrinae. Quare facile Inquisitores novas Propositiones damnando, fines vicariae suae Potestatis transilirent, ubi sine praevia consultatione & venia Summi Pontificis id faciant, quod Episcopi in suis Dioecesibus possunt, & Christi Vicarius Pontifex pro universa Ecclesia facere potest. Excipiendam heic reor universalem Romanam Inquisitionem, cujus omnia Decreta de novis atque etiam arduis rebus semper veneranda sunt, & vim habere debent, quia numquam cuduntur, nisi conscio & probante Papa.

Haec autem dum ajo, ante meam mentem recurrunt acerrimae disputationes inter Theologos obortae, eaeque nondum sopitae, num Declarationes ab Eminentissimis Cardinalibus in Congregatione Generali Romanae Inquisitionis emanantes, *decisivae sint, & vim legis habeant*, & an sint *tantummodo doctrinales*, quae universam Ecclesiam minime obligent, etiamsi prodeant facto verbo cum Summo Pontifice. Hinc inde in aciem veniunt complures, quorum sententias & rationes qui nosse cupit, adeat Dianam Tom. VI. Tract. 1. Resol. 21. & sequ. Si potestas condendi novum jus, in controversiam adducitur, etiamsi agatur de Generali Congregatione Romana, cujus sane dignitas & auctoritas longe praefenda est Lusitanæ Inquisitioni, atque etiamsi nihil ferme alicujus momenti statuere soleant Romae Eminentissimi Cardinales, incio Pontifice Maximo: quid quaeso dicendum de Lusitana Inquisitione, ubi eadem inconsulto Pontifice sibi jus tribuat proscribendi & damnandi Opiniones novas, & leges novas promulgandi, quae totius Regni conscientias obligent? Non deerunt profecto, quibus eadem videatur defecisse a reverentia debita Apostolicae Sedi, hoc est Matri suae, a qua originem, vitam, ac tot praerogativas accepit; sed non eam, qua opus est ad ferendas leges novas, & obligandas Fidelium conscientias; ad hoc enim exigitur mandatum, aut saltem scientia & consensus Summi Pontificis. Et potissimum quod

uti animadvertit Pignatellus Tom. I. Consult. 59. Sacra Congregatio Concilii censuit, non licere Episcopis praecipere, ut quilibet de Populo denuntiare debeat crimina Clericorum sub poena Excommunicationis. Sententia autem contraria ab eodem Pignatello *plane absurda & periculosa* dicitur. Si id minime licet Episcopis, ad quos ex innata auctoritate incumbit cura & correctio gregis: num id licebit Inquisitoribus vicaria tantum potestate utentibus, inscia & inconsulta Sede Apostolica, cujus vices limitata solum & praescripta facultate gerunt?

De denuntiandi obligatione a Tribunali Lusitanae Inquisitionis imposita.

CAP. VIII.

ALtera succedit novitas, quam quicumque doctorum hominum ad examen revocet, nullo indigebit monitore, ut intolerandam atque improbandam continuo judicet. Scilicet non satis fuit eidem Inquisitioni Opinionem & praxim illam proscribere; sed etiam iussit Poenitentes omnes, qui in Lusitaniae Regnis de Complicis nomine in Confessione interrogarentur, denuntiare ad suum Tribunal Confessarios hac in re delinquentes. Laudem profecto Pietatis & Ecclesiastici Zeli nemo negat Eminentissimo Cardinali a Cugna; at ipsi curandum erat, ne pateretur, se ab ipso Zelo abripi extra limites officii sui. Ad hujusmodi tamen novitatem animos eidem addidit Medina in Summa Lib. 1. Cap. 4. §. 1. quem sequutus est Lopez in Instruct. Confess. Par. 1. Cap. 27. §. *Commendamus quoque*. Ii quippe censuere, ab Inquisitoribus *puniri posse tamquam Haereticum Confessarium asserentem Poenitenti, ut sibi revelet Complicem, alias eum non posse nec velle absolvere*. Ratio a Medina adhibita est, *quia Haeresis est affirmare, quod teneatur Poenitens eam circumstantiam confiteri,*

nam sequeretur, licitum esse infamare Proximum. Verum Villalobos in Summa Tom. 1. Tract. 9. Difficult. 38. & Coriolanus Tract. de Casibus refer. par. 1. sect. 3. art. 9. qui etiam Petrum Navarrum secum sentientem adducit, huic opinioni sese opponunt, quum controversum sit, an infamia Complici in Confessione revelato inferatur; atque, uti supra vidimus, casus occurrant, in quibus absolutio Poenitenti neganda est, nisi Complicem revelet, etiam si in ejus cognitionem Confessarius veniat. Medinae quoque opinionem improbarunt Fermosinus, Perez, Trullench, & alii. Sed quod Opinionem hanc omnino perimit, infra memorabitur. Interim animadvertere juvat, Justitiae, & Caritatis legibus facile eos contraire, qui peccantibus aut Haeresim, aut suspicionem Haeresis liberaliter objiciunt. Vix enim in ullum grave peccatum laberentur homines, quin probro onerari possent, quasi crederent, licere Homicidium, Fornicationem, Fraudem &c. Nullus Theologorum umquam haec somniet. Quis enim non videt, nimium intercedere discrimen inter facientem peccaminosam actionem, ac dicentem licere eam facere? Puniendi certe in posterum erunt, qui interrogare audeant de Complice Poenitentes, non quod Haeresim ex hoc oleant, nisi alia concurrant indicia; sed quod in opus ferantur sive in se malum, quoties in pravum finem interrogent; sive malum, quia prohibitum, quum nempe in bonum finem intentione corripienti Complicis interrogatio fiat: nam & hoc in posterum agere regulariter nefas erit. Fertur etiam vulgatus rumor, renovatam a Confessariis (si qui fuerunt praxi nunc damnatae addicti) temporibus nostris fuisse Sectam *Illuminatorum*, Saeculo Ch. XVII. in Hispania vix natam & suffocatam. Non alia ex causa, ut mihi creditur, nisi quod inter illorum errores hic etiam deprehenditur apud Malvasiam & Berninum: *Non posse absolvi sollicitantes in Confessione, nisi declarant sollicitatas.* Sed inter Complices in peccato nemo referre audeat mulieres sollicitatas, ideoque nil rei est Confessariis, de quibus nunc agimus, cum Illuminatis. Ad haec ubinam vel unus ostendi haecenus potuit pravis hisce Opinionibus infectus?

Repe-

Repetamus igitur, Edicto Lusitanæ Inquisitionis præceptum fuisse, ut sub Anathematis poena Poenitens de Complice interrogatus denuntiet Confessarium interrogantem Tribunali ejusdem Inquisitionis. Onus hoc Fidelibus ibi impositum diximus insuetum, intolerandum, atque prorsus indebitum. Est enim contra jus naturale cogere quemquam ad revelandam turpitudinem atque infamiam suam, quæ occulta sit, & aliunde constare in judicio non possit. Nimirum natura nimis abhorret, dum vitare possit, a detegendo crimen sive peccatum; ex quo grave damnum redundare possit in corpus, in honorem, & fortunas suas. Audi Ignatium Lupum Comment. in Edictum Inquis. ubi quaerit, *An quis se ipsum Fidei Inquisitori denuntiare teneatur*, & respondet: *Negative*. Ratio est primo, quia hic casus censetur exceptus in Edicto Inquisitionis: cum nemo præsumere audeat, Judicem alicui tam grave onus, quale est sui ipsius denuntiatio, imponere velle. Secundo, quia nullus tenetur se ipsum prode Cap. cum non deceat de Elect. in 6. juxta illud: *Allegans turpitudinem suam non est audiendus* c. inter dilectos de Donat. l. Transact. C. de Transact. Tertio, qui mandatum accipit aliquos denuntiandi excommunicatos, se ipsum denuntiare non tenetur, licet commiserit delictum, ob quod alii ab eo denuntiantur. Ita Caesar Carena de Offic. S. Inquis. Par. 2. Tit. 9. de obligat. denuntiandi §. 7. scribit: *Sed an vigore hujus Edicti quis teneatur denuntiare se ipsum: Dic quod non*. Symmach. de Cathol. Instit. tit. 42. n. 13. Pegna par. 3. Comm. 12. Suar. de Fide sect. 4. n. 18. Latissime Sanctarell. de Haeresi Cap. 9. n. 18. quò alios allegat. Diana var. Resol. par. 1. Tract. 4. Resol. 8. Hoc idem traditur a del Bene de Officio S. Inquis. Par. 1. Dubit. 19. ubi statuit: *Denuntiare judicialiter se ipsum quis non tenetur, si ex denuntiatione judiciali sibi timeat gravem jacturam in vita, fama, vel re familiari, quia praecepta Divina & Ecclesiastica non obligant cum tanto rigore*. Infra haec addit: *Si cum aliis crimen, etiam Haeresis, commisisti, tamen quamvis tu ab illa destitias, ex Communi Sententia Doctorum non teneris Socios criminis denuntiare, quia obligaveris denuntiare te ipsum, cum tamen nemo teneatur se prode, uti docent communiter Doctores, quorum lon-*

gam feriem postea texit. Adeo autem naturae legibus conveniens est communis ista sententia, ut ne ante Judicem quidem, ubi agatur de gravi malo vitando, teneatur inquisitus fateri crimen suum, quando celare possit, uti cum Angelico Theologi complures sentiunt.

Verum adversus hanc doctrinam ab omnibus hucusque probatam, en ut venire ausum fuerit Lusitanae Inquisitionis Tribunal. Si Poenitentes obligantur ad denuntiandum Confessarium de Complice interrogantem: quis non videt, eos quoque obligari ad denuntiandum proprium crimen & ignominiam: quod juri Naturae repugnat? Neque enim satis foret generalibus verbis Confessarium accusare, quum casus dentur, uti jam vidimus, in quibus Sacerdos jus habet interrogandi de Complice; sed opus foret individuare peccatum, ex quo pateret, merito puniendum esse Confessarium, uti damnatae Curiositatis reum. Neque dicas, Fideles quoque peccantes adigi ad confitenda peccata Ministris Ecclesiae. Hoc enim ex necessitate praecepti a Deo manantis consequitur, ut peccatorum remissio obtineatur; & Confessio sit Deo, quamquam mediante Ministro Dei; atque homines tam certi sunt de firmitate Sigilli Sacramentalis, ut ad Confessionem sine ullo infamiae metu confluere possint. Et nihilominus testis experientia est, non paucos hominum verecundia nimium torqueri, quum ad Poenitentiae Sacramentum accedunt; idque etiam accidere, quamvis eos Confessarius minime noscat; neque deesse, qui aut a Confessione prae nimio rubore abstineant, aut sacrilegam faciant. Quid ergo de novitio isto praecepto seu jugo dicendum, quo compellerentur homines ad detegendum probum suum, non Deo, sed homini; & quidem homini illi, qui nomina sua referret in Libros Inquisitionis ad perennem suae infamiae memoriam? Haberent heic Lusitani veram animorum & conscientiarum carnificinam, si vis futura esset ejusmodi Edicto. Sed Ecclesia Mater mitissima perpetuo abhorruit ab hisce excessibus. Si illa praecipit, ut denuntietur in Confessione sollicitans, nihil grave incommodum personae sollicitatae imponitur; alium enim illa accusat, non semetipsam; neque prodere ipsa jubetur, confertur,

feritne, an non sollicitanti. In nostro autem casu contrarium exigitur: quod quam molestum, imo intolerandum foret, nemo est qui non dignoscat. Evidentius etiam obligationis injunctae injustitia se prodit; nam in homine, qui Poenitentiam rite peractam absolutus est, deletum est peccatum, ita ut tamquam innocens ejusdem peccati sit in posterum habendus. Aequumne ergo foret innocentem hanc personam poena rursus afficere, qualis dicenda esset revelatio turpitudinis suae ob aliena peccata; eamque punire, non ob actionem aliquam malam a se factam, quando ipsa optimam fecit, accedendo ad Poenitentiam, sed tantummodo ob ignorantiam, aut malitiam Confessarii? Atque eo gravior injustitia deprehenditur, quando eadem adigatur ad revelandum peccatum suum, in quod nullum jus plerumque est Tribunali Inquisitionis, utpote quod ad ejus cognitionem non spectat. Rursus ergo intueri Prudentiam & Aequitatem Ecclesiae. Exigit illa, ut aut Episcopo, aut Inquisitoribus, gravia delicta denuntientur, quae Religionis tutelam respiciunt, sed delicta aliena, non propria. Neque Theologi istorum criminum reos obligant ad se denuntiandos, sed tantummodo hortantur ex consilio, ut sese denuntient, evitaturi nempe sponte comparando poenas, quibus per alios detecti obnoxii forent. Et quamquam casus occurrere possint, in quibus, ex sententia quorundam Theologorum, teneri creditur Poenitens ad se denuntiandum, uti quum agitur de gravi periculo Reipublicae & de Hæresi serpente: hi tamen casus nimium differunt a praesenti, in quo imperatur denuntiatio, ut unius Confessarii delinquentis correctio procuretur. Neque exigit Clementia & Prudentia Ecclesiae, ut denuntientur Parentes, Fratres, & alii, quorum infamia & poena resilire in ipsum denuntiantem posset, excepto casu Dogmatizantium, ut multi sentiunt.

Quod evidentius quoque deformitatem Praecepti illius coarguit: vix fieri posset, quin Poenitentiae Sacramentum in gravissimum discrimen & contemtum pertraheretur, ubi Edicto illi parendum foret. Nam quoties Confessarius denuntiatus interrogaretur a Quaestoribus Fidei de Complicis nomine

vestigato, is aut se tueri non posset, a revelanda Confessione absteritus; & iniquum foret ei defensionis aditum praecludere. Aut ad Sacramentale Sigillum frangendum is adigeretur, exponendo causam, cur a Poenitente Complicem exquisisset; ideoque Sigillum solveret Confessionis. Nemo autem nescit, quanta cura, quot severissimis Legibus Romani Pontifices & Concilia praescripserint hujus Sigilli fidem, ita ut mortem potius tolerare, quam illud frangere quisque Confessarius jubeatur, neque ipse Summus Pontifex eximere quemquam ab hac obligatione possit. Et nihilo secius nunc Lusitana Inquisitio Confessarios compellere videtur ad sanctam hanc Legem disrumpendam, ut se ab illius vexatione expediant. Confessoria lacrymanda haec forent nuper tentatae novitatis. Quamobrem quacumque ex parte metiaris imperatam a Lusitana Inquisitione denuntiationem, illam & juri naturali adversantem, & a mente Ecclesiae, communique Theologorum decreto alienam, & ad perdendum Poenitentiae Sacramentum nimis aptam, fatearis oportet; ita ut heic indignatio eadem tandem erumpat, qua usus fuit divinus Magister, & Salvator noster (Matth. XXIII. 4.) adversus eos, qui *alligant onera gravia, & importabilia, & imponunt in humeros hominum; & qui dilatant phylacteria sua, & magnificant fimbrias auctoritatis suae*. Propterea caute procedendum in novis oneribus imponendis conscientiae Fidelium, ne tandem deterioris conditionis efficiatur Christiana Religio, quam Judaica. Adi nunc mecum Breve sapientissimi Pontificis BENEDICTI XIV. ad Episcopos Lusitaniae. Perniciosam praxim & opinionem, si qua fuit, aut futura sit, ille damnavit; sed ne unum quidem verbum addidit de probanda aut praeci-
pienda Poenitentibus Denuntiatione delinquentium. Hoc autem satis futurum erat, ut agnosceremus, ab Apostolica Sede minime comprobatum fuisse praeceptum Lusitanae Inquisitionis. Si probasset Pontifex, ipse quoque praecepisset. Sed neque Pontifex damnavit, inquires. Disertis certe verbis minime damnavit; mitissimus quippe Christi Vicarius abstinendum censuit ab inferendo quidquam probri amplissimo Cardinali,

dinali, qui ex nimio tantum zelo novitatem hanc, alioqui minime ferendam, a parum cautis Consultoribus excogitatum, amplexus fuit. Ceterum novitas ista sufficientibus verbis prorsus explosa a Pontifice dignosci potuit, quum Episcopos Lusitanos hortatur & excitat, *ut efficacioribus quibusque Juris remediis noxiam hujusmodi novitatem strenue insectentur*. Inquit, *Juris r mediis*, scilicet Suspensione, Anathemate, Carcere, & si qua sunt delictis paribus in Jure praescripta. At ubinam Jura umquam praescribere, ut quisquam ad accusationem compellatur, quam sine revelatione propriae ignominiae exequi non possit? Imo Jura omnia novitati huic adversantur. Quare nulla dubitatio est, quin ipse quoque Pontifex tacite eandem jam tunc sustulerit. Non heic tamen stetit Providentia paterna Pontificis, sed efficacioribus remediis utendum ratus, alteram Decretalem emisit, de qua erit infra sermo.

Alterum Lusitani Edicti vitium ex obscuritate praecepti, & ex defectu potestatis.

CAP IX.

PRaeter Denuntiationem faciendam de Confessario nomen Complicis inquirente, altera etiam jubetur in Edicto Lusitanae Inquisitionis, scilicet si quis *Circumstantias improprias* a Poenitentibus exquirat, iste quoque Sancto Officio denuntiandus erit. Praecipue vero hujusce Denuntiationis onus Poenitentibus imponitur. Quaere in isto Edicto: nulla tibi occurreret dilucidatio, quid sint *Circumstantiae impropriae*. Angelicus Doctor 1. secundae Quaest. 95. Art. 3. ex Sancto Isidoro haec in Lege ferenda observari debere scribit: *Erit Lex honesta, justa, possibilis secundum naturam, secundum consuetudinem Patriae, loco temporisque conveniens, necessaria, utilis, manifesta quoque, ne aliquid per obscuritatem in caprone contineat* &c. An justum sit Lusitanum Edictum, nuper ostendimus.

dimus. Animadverte nunc, quanta obscuritate laboret. Quum legis *Circumstantias improprias*, tibi finge quoddam Mare, cujus profunditatem ac terminos numquam assequaris. Tot enim occurrere possunt in Confessione Circumstantiae sermonis & interrogationis, ut earum numerum inire nequeas. Aliquot certe esse possint, quae indebitam, imo pravam Curiositatem sapiant; sed innumerae etiam deprehenduntur, quae nullius momenti sint, nihil pravi contineant; & nihilominus quia superfluae, & minime necessariae, neque utiles ad Confessionem peccatorum, si rigide accipias, *Impropriae* videantur. Attamen haec omnia uno tantum generali vocabulo confundit Edictum, atque inaudita severitate denuncianda statuit; neque distinguit, quid culpabile sit, quid culpa careat; utiturque verbis, quae in sensu obvio mille tenebras pariunt. Num leves frivolaeque interrogationes, ob quas nulla (saltem gravis) culpa contrahitur, gravissima Excommunicationis Majoris poena plectendae sunt? Imo, quum, uti supra vidimus, in nonnullis casibus non solum liceat, sed etiam opus sit, aut praestet in utilitatem nimirum Poenitentis, rescire qualitatem Complicis: quas *Opiniones veras* ipse Summus Pontifex in sua Decretali agnoscit, sed *male applicatas* a Confessariis, quorum praxim & opinionem damnat: nullum tamen discrimen in Edicto adsignatum videas inter eos casus, & illos, quos prudentissime circumscribit accurata designatione Pontifex Maximus. Non ita sane Fideles instruendi sunt, quum Leges feruntur, quas ne ipsi quidem docti extricare queant, eoque minus idiotae & mulieres, quas tamen aequae ac reliquos obligatio denunciandi, & Anathematis poena constringit. Et quale sane spectaculum foret intueri circumcursantes quotidie honestas Matronas, Virgines ad verecundiam educatas, aliasque mulierculas, ad Theologos, aut potius ad ipsum Inquisitionis Tribunal, metu Anathematis & scrupulis agitas, & anxie dubitantes, & inquirentes, an *Improprium* quid, hoc est minime pertinens ad necessitatem aut utilitatem Confessionis, audissent? Certe si tot decipulis & periculis expositum foret Confessariorum munus, nemo ex iis in
post-

posterum ad audiendas Fidelium Confessiones accedere auderet, Idque jam accidit; nam ex quo prodiit Lusitanæ Inquisitionis Edictum tot tenebris scatens, ex iis multi, & præcipue piissimi viri, quieti ac famæ suæ consulentes, a sacro ejusmodi labore destiterunt. Quod plus est, ipsi quoque Fideles, ubi tot salebrae in Sacramentali Confessione occurrerent, a salutifero ac necessario Sacramento mirum in modum absterrentur. Inter ceteras causas, cur nunc Apostolica Sedes eorum praxim confixit, qui nullo justo titulo in Confessione nomen Complicis interrogarent, ea in primis memoratur, quod praxis illa a *Poenitentiae Sacramenti tantopere proficuo & necessario usu Fideles abalienaret*. Quanto autem amplius durum ac intolerandum onus Sacramentalis Confessio videretur, atque ab ea averterentur Fideles, quando ad Tribunal Inquisitionis accedere opus foret ad denuntiandam non solum propriam ignominiam, sed & *Circumstantias Improprias*, quæ innumerae esse possunt?

Ex his ergo intelligis deformitatem Edicti; & nihilo secius gravius in eo superest vitium, cui nullam excusationem obtendas. Scilicet inter majores causas, quæ Summo Pontifici reservatae sunt, adnumeranda procul dubio est Disciplina *de Sacramentis*. In ea quidquam novare, addere, aut detrachere, nemini licet, nisi Romano Pontifici, aut Conciliis Generalibus ab ipso indictis, & cum eo consentientibus. Cessat heic auctoritas singulorum Episcoporum, & Conciliorum particularium. Quum enim concors in tanti momenti rebus procedere debeat universa Ecclesia, Disciplinae hujus cura ad Pontificem spectare debet, cujus potestas ad reliquas omnes Ecclesias protenditur, aut ad Generalia Concilia, quæ ipsam universam Ecclesiam complectuntur Cap. *maiores de Baptismo*. Vide Barbosa de Offic. & Potest. Episc. Par. 3. Alleg. 1. & Fagnanum in Lib. 1. Decretal. *de Officio Ordinarii c. Perniciosam* Cap. 2. Et quamvis ab Apostolica Sede in aliquo Regno generalis sit alicui commissa Legatio, ad ea tamen Legatus non debet manus extendere, quæ in signum privilegii singularis sunt Summo Pon-

Pontifici reservata. Vide de Officio Legati Cap. quod translationem initio Lib. 1. Decret. Tit. 30. Cap. 4. Soli autem Sanctae Sedi concessa nullus usurpare sine ejus consultu & venia praesumat, qui non vult honore Ecclesiastico indignus, ut contemtor, judicari. Dist. 17. Cap. 3. *Huic soli*. In eadem sententiam confluunt vota Canonistarum ac Theologorum Moraliū. Mirari ergo subit, cur tantos animos conceperit Eminentissimus Cardinalis Inquisitor, ut manum immiserit in Poenitentiae Sacramentum, ac tantam novitatem invenerit, & quidem inconsulto penitus & inscio Pontifice Maximo. Quin haec appellanda sit usurpatio Pontificiae auctoritatis, quis dubitet? Quod etiam plus dolendum est, tribuit ille sibi potestatem condendi Legem, quam neque ipse Pontifex sibi tribuisset: Legem videlicet, quae importabile jugum cervicibus Fidelium imponit, eosque ab ipso Poenitentiae Sacramento avertit. Decrepita ejus aetas, qua abusi sunt nonnulli, parum prudentem praeferentes zelum, illum fortassis excuset; sed nequaquam ipsos Consultores, quibus egregium facinus visum fuit amplificare posse sacri illius Tribunalis auctoritatem ultra limites a Sancta Sede praescriptos, eodemque tempore tricas, & invidiam concitare in tot pios Regni illius & Ecclesiae Ministros. Obliti ii sane fuerunt, quod Clemens V. Pontifex in Concilio Viennensi animadvertit & improbavit, ut patet ex Cap. *Multorum* de Haereticis in 6. Verba illius apponere juvat. *Multorum querela Sedis Apostolicae pulsavit auditum, quod nonnulli Inquisitores, per Sedem eandem contra pravitatem Haereticam deputati, metas sibi traditas excedentes, sic interdum extendunt suae potestatis officium, ut quod in augmentum Fidei per circumspectam ejusdem Sedis vigilantiam salubriter est provisum (dum sub Pietatis specie gravantur innoxii) cedat in Fidelium detrimentum.* Hujusmodi querelas temporibus nostris merito renovandas, unusquisque pius profecto dolebit.

Quid actum, quid agendum in hujusmodi controversia.

C A P. X.

EX his quae haecenus disseruimus, constare jam potest, quam justis titulis Lusitani Episcopi insurrexerint adversus Edictum, a quo non Episcopali tantum, sed ipsi etiam Pontificiae Dignitati vulnus inlatum fuerat, atque in non leve discrimen trahebatur Populorum conscientia & quies, imo & odium conflabatur in ipsum Poenitentiae Sacramentum. Quere-
 relas propterea suas in sinum communis Patris, summi nempe Pontificis, deposuere, firma spe adducti, ex ejus celebrata doctrina & suprema auctoritate, Decretum emanaturum, quo simul Religionis rebus prospiceretur, & oborta tollerentur dissidia. Delata ergo ad Romanam Congregationem Sancti Officii ejusmodi controversia aut paucos, aut nullum ibi offendit, qui pro Episcopis non steterit. Proinde summus Pontifex, adhibitis in consilium compluribus doctissimis Cardinalibus, & Theologis, postquam concordia omnium vota convenire in sententiam Episcoporum sensit, Decretalem alteram efformavit, ac promulgavit IV. Nonas Junii Anno MDCCXLVI. Tabellario ad hoc unum negotium delecto tradita haec fuit una cum Literis ad Lusitaniae Regem hortantibus, ut dissidentes animos ipse pro sua Prudentia, & verbis Apostolicae Sedis, componendos curaret. Tanto Pontifice dignam Decretalem istam omnes depraedicarunt, & compertum habemus, effusos in lacrymas consolationis non paucos, qui ipsam legerunt. Hanc autem Episcopi confestim unanimi obsequio typis traditam in publicum evexere, ut Clerus, & Populus, quid sentiendum & agendum deinceps foret edicerent. Lectorum oculis eandem Constitutionem exhibeo.

Sanctissimi in Christo Patris, & Domini, Domini BENEDICTI Divina Providentia Papae XIV. Constitutio, qua confirmantur Literae jam editae adversus Confessarios exquirentes a Poenitentibus Complicum nomina, & Poenae in delinquentes statuuntur, cum praefinitione Ordinis procedendi in hujusmodi Causis.

BENEDICTUS EPISCOPUS

SERVUS SERVORUM DEI

Ad futuram rei memoriam.

„ **U** Bi primum de perversa quadam, & absurda praxi in
 „ Sacramento Poenitentiae administrando apud nonnul-
 „ los Confessarios in Portugalliae, & Algarbiorum Regnis in-
 „ troduci coepta, non sine animi Nostri dolore, nuntium acce-
 „ pimus, non levi aliquo incertoque rumore ad Nos perlatum,
 „ sed ita gravibus, solidisque fundamentis innixum, ut pru-
 „ dentem omnino fidem de periculi cum veritate, tum magni-
 „ tudine facerent; praetermittere non potuimus, quin conti-
 „ nuo datis ad Venerabiles Fratres eorundem Regnorum ac
 „ Ditionum Archiepiscopos & Episcopos Apostolicis Nostris Li-
 „ teris, remedium nascenti malo quam promptissime adhibere-
 „ mus. Earum verò Literarum die septima mensis Julii supe-
 „ rioris Anni Millefimi septingentesimi quadragesimi quinti edi-
 „ tarum, quas praesenti huic nostrae Constitutioni inferendas
 „ existimamus, hic tenor erat:

BENEDICTUS PAPA XIV.

Venerabiles Fratres, salutem, & Apostolicam Benedictionem.

Suprema omnium Ecclesiarum &c. ut supra.

„ Has

„ Has porro Nos Literas in forma Brevis tunc datas
 „ iterum praesentibus Nostreis confirmamus , & roboramus ,
 „ easque ab omnibus , & singulis fideliter , exactèque obser-
 „ vari injungimus , atque praecipimus .

„ Statuentes insuper , ac decernentes , ut quicumque cu-
 „ jusvis status , gradus , conditionis , dignitatis , & ordinis ,
 „ etiam speciali , & individua , ad effectum ut hisce Nostreis
 „ praesentibus comprehendantur , mentione & expressione di-
 „ gni , ausus in posterum fuerit docere , licitam esse hujus-
 „ modi praxim , prout ea in relato Nostro Brevis exponitur
 „ ac reprobatur ; vel scribere , aut loqui praesumpserit in ejus-
 „ dem damnatae praxis defensionem ; vel ea , quae in dicto
 „ Brevis contra eandem praxim decreta sunt , impugnare ,
 „ aut in alienos sensus temerè detorquere , seu interpretari ;
 „ incidat ipso facto in excommunicationem , a qua non pos-
 „ sit , praeterquam in articulo mortis , ab alio , quacumque
 „ etiam dignitate fulgente , vel auctoritate suffulto , nisi a
 „ Nobis , vel a pro tempore existente Romano Pontifice , ab-
 „ solvi .

„ Et quia non modo cavendum est , ut , quae sunt a
 „ Nobis in praeinsertis Literis decreta , ab omni impugna-
 „ tione , contradictione , pravaque interpretatione salva sint ,
 „ & immunia ; verum etiam ne quis in Sacramenti Poeni-
 „ tentiae administratione ab eorum omnimoda observantia
 „ unquam recedat ; idcirco omnibus & singulis Confessariis
 „ utriusque Cleri tam Saecularis quàm Regularis , quantumvis
 „ exempti , & quacumque speciali & expressa mentione aliàs
 „ fortasse nominandi , graviter , & districtè , Divini intermi-
 „ natione judicii , atque in virtute sanctae obedientiae , pro-
 „ hibemus , ne , conformiter ad praedictam reprobata pra-
 „ xim , poenitentes , qui peccatum , seu crimen aliquod , cu-
 „ jus socium , aut socios habuerint , ipsis in Tribunali Poeni-
 „ tentiae confiteantur , interrogare praesumant de nomine so-
 „ cii , seu Complicis , loco habitationis , vel aliis hujusmodi
 „ adjunctis , sive circumstantiis , expressiorem magisque indi-
 „ viduam ejusdem complicis manifestationem concernentibus ;

„ eidem

„ eidem poenitenti , si manifestare renuerit , sacramentalem
 „ absolutionem denegando : alioquin noverint sese , ultra
 „ peccati lethalis incursum , suspensioni ab officio audienda-
 „ rum confessionum , aliisque etiam gravioribus poenis fore
 „ subjiciendos .

„ Praeterea quoniam contra damnatum hujusmodi exi-
 „ tialem abusum , nec cum animarum perniciem radices agat ,
 „ necesse ducimus modum , ac formam etiam in foro ex-
 „ terno procedendi , & ultres adversus reos poenas impo-
 „ nendi , statuere , atque ordinare ; omnesque super hoc
 „ exorituras , vel etiam jam exortas dissensiones componere ,
 „ & penitus amputare ; volumus , decernimus , ac declaramus ,
 „ quod docentes , ut supra , licitam esse praxim a Nobis
 „ jam reprobata , vel in ejusdem praxis defensionem scri-
 „ bentes , aut loquentes , vel ejusdem reprobationem in me-
 „ morato Nostro Brevi contentam impugnantes , aut perversè
 „ interpretantes , in Officio Sanctae Inquisitionis praedictorum
 „ Regnorum , atque Ditionum severè puniantur , & contra
 „ eos , & eorum quemlibet in eodem Officio procedatur , non
 „ minus ac contra illos ibidem procedi solet , qui asserunt ,
 „ tradunt , tuentur opiniones scandalosas , perniciosas , & uti
 „ tales a Sede Apostolica rejeetas , & condemnatas .

„ Similiter in eodem Officio procedendum erit , & pro-
 „ cedi volumus , ac statuimus contra Confessarios quoque , ut
 „ supra , delinquentes , ac de nomine complices poenitentem
 „ interrogantes , eidemque poenitenti , nisi illud sibi manife-
 „ stet , absolutionem denegantes : Dummodo tamen hujusmo-
 „ di interrogandi , ac denegandi actus talibus circumstantiis
 „ conjunctus sit , ac convestitus , quae sic agentem Confessa-
 „ rium de adhaesione ad praedictam reprobata praxim ,
 „ tamquam ad licitam , vel alio quovis modo de prava cre-
 „ dulitate suspectum reddant .

„ Itaque contra praedictos omnes & singulos Delinquen-
 „ tes tam Saeculares , quàm quorumvis etiam quomodolibet
 „ exemptorum , ac Sedi Apostolicae immediatè subjectorum
 „ Ordinum , Institutuum , Societatum , & Congregationum

„ Regulares, cujuscumque dignitatis, ac praeceminentiae, aut
 „ quovis privilegio muniti existant, & quorum specialis &
 „ nominatim mentio facienda sit, praedictorum Regnorum ac
 „ Ditionum Inquisitores, potestate a Nobis tradita, & quate-
 „ nus opus sit, praesentium tenore de novo concessa, prout
 „ in causis Fidei, juxta Sacrorum Canonum formam, nec
 „ non Sancti Officii Inquisitionis hujusmodi constitutiones,
 „ privilegia, consuetudines, & decreta, diligenter inquirent,
 „ & procedant, & quos in aliquo ex ejusmodi excessibus cul-
 „ pabiles repererint, in eos, pro criminum qualitate, & cir-
 „ cumstantiis, suspensionis ab officio confessiones audiendi,
 „ vel etiam ab executione Ordinum, privationis Beneficiorum,
 „ Dignitatum, ac perpetuae inhabilitatis ad illa, nec non vo-
 „ cis activae ac passivae, si Regulares fuerint, aliasque poe-
 „ nas decernant; omnes etiam, vel earum tantum aliquas,
 „ in perpetuum, vel ad tempus infligendo.

„ Quicumque verò alium quemlibet aliquo ex supradictis
 „ modis deliquisse cognoverint, eum, intra terminum dierum,
 „ in Edictis Sancti Officii ejusmodi Inquisitionis praefigi soli-
 „ tum, eidem Sancto Officio denunciare teneantur: alioquin
 „ poenas non denunciantibus per eadem Edicta infligi consue-
 „ tas incurrant. Verumtamen ab hujusmodi onere denunciandi
 „ iustis de causis eximi volumus & eximimus personam ipsam
 „ poenitentem dumtaxat in causa propria, idest in casu, quod
 „ suum peccatum confitens, a Confessario adigatur ad sibi ma-
 „ nifestandum nomen complicitis in eodem peccato: tunc enim
 „ poenitentem hujusmodi ab obligatione eundem Confessarium
 „ denunciandi liberamus. Sed quando aliunde, quam ex pro-
 „ pria, ut dictum est, confessione, noverit Confessarium ali-
 „ quo ex superius enumeratis, & Sancto Officio denunciandi
 „ modis deliquisse, tunc eum & ipse denunciare ex ista aliun-
 „ de habita notitia teneatur.

„ Quod si Confessarii de Complicitis nomine perperam in-
 „ terrogantis, absolutionemque, ni sibi detegatur, denegantis
 „ actum contingat ejusmodi esse, ut, quamvis imprudens, &
 „ malus, simplex tamen quidam, & nudus actus fuerit, idest

„ iis circumstantiis destitutus, quae de prava credulitate, vel
 „ de mala adhaesione ad praxim in saepe dicto Nostro Brevi
 „ reprobata tamquam ad licitam, eundem Confessarium sus-
 „ spectum reddant; tunc istiusmodi delictum neque denuncia-
 „ tionis oneri, neque Sancti Officii praedicti cognitioni subje-
 „ ctum erit; sed de illo cognoscere, atque in delinquentem
 „ Confessarium, per suspensionem ab audiendis confessionibus,
 „ vel alias canonicas, & legitimas poenas pro delicti modo
 „ animadvertere, ad locorum Ordinarios in sua cujusque Dioe-
 „ cesi omnino spectabit.

„ His igitur circa ordinem, formam, modumque contra
 „ ejusmodi delinquentes procedendi, ut praesertur, constitutis,
 „ ac suis unicuique Judici Ecclesiastico juribus assignatis, & di-
 „ stributis; hanc Nos deinceps regulam ab omnibus observari
 „ ac custodiri volumus, & mandamus, si quando talia delicta
 „ deprehendi contigerit; quae tamen haud unquam posthac
 „ eventura in Domino confidimus, accedente insuper praeclara
 „ inclytae Lusitanae Nationis universae erga Sedem Apostoli-
 „ cam observantia & obedientia, nec non eximia tum istius
 „ Sanctae Inquisitionis Officii, tum cujusque loci Ordinarium
 „ nunquam defutura vigilantia. Quapropter quaecumque alie-
 „ ter, quam praesentibus Nostreis decrevimus & constituimus,
 „ sive in Edictis praefati Officii Inquisitionis, sive in quibusli-
 „ bet quorumvis Ordinarium Mandatis, aut Pastoralibus Li-
 „ teris, vel Decretis ante hac statuta prodierint, ea Nos, quo-
 „ niam post Apostolicam hanc a Nobis propositam agendi, seu
 „ judicandi normam minus necessaria fore censemus, desinere
 „ jam, & cessare, ac, veluti nunquam emanassent, omnem ob-
 „ ligandi vim amittere, Motu proprio, & ex certa scientia,
 „ deque Apostolicae potestatis plenitudine declaramus, statui-
 „ mus, atque sancimus.

„ Decernentes, easdem praeinsertas, nec non praesentes
 „ nostras Literas, & in eis contenta quaecumque, etiam
 „ ex eo quod quicumque cujusvis status, gradus, ordinis,
 „ praeminentiae, & dignitatis existant, seu aliis speciali,
 „ & individua mentione, & expressione digni, in praemissis

„ in-

„ interesse habentes, seu habere quomodolibet praetendentes,
 „ illis non consenserint, nec ad ea vocati, citati, & auditi,
 „ neque causae, propter quas tum praeinsertae, tum prae-
 „ sentes emanaverint, sufficienter adductae, verificateae, &
 „ justificatae fuerint, aut ex alia qualibet etiam privilegiata
 „ causa, colore, praetextu, & capite, de subreptionis; vel
 „ obreptionis, aut nullitatis vitio, seu intentionis nostrae,
 „ vel interesse habentium consensus, aliove quolibet defectu,
 „ notari, impugnari, aut in controversiam vocari posse; sed
 „ ipsas praesentes, easdemque praefatas in forma Brevis Li-
 „ teras, firmas, validas, & efficaces existere & fore, suof-
 „ que plenarios, & integros effectus sortiri & obtinere, & ab
 „ omnibus & singulis praemissis, ad quos spectat, seu pro
 „ tempore spectabit, exacte, & inviolabiliter observari.

„ Sicque & non aliter in praemissis censi, atque ita
 „ per quoscumque Judices Ordinarios & Delegatos etiam
 „ S. R. E. Cardinales, & contra haeticam pravitatem Ge-
 „ nerales Inquisitores, Legatos quoque de Latere, & Aposto-
 „ licae Sedis Nuntios, aliosve quoslibet quacumque auctori-
 „ tate, potestate, & praeceminetia fungentes, & functuros,
 „ sublata eis, & eorum cuilibet aliter judicandi & interpre-
 „ tandi facultate, judicari & definiri debere, ac irritum &
 „ inane, si secus super his a quoquam scienter, vel igno-
 „ ranter contigerit attentari.

„ Non obstantibus quibuscumque Apostolicis, & in Univer-
 „ salibus, five Provincialibus, aut Synodalibus Conciliis editis
 „ generalibus, five specialibus Constitutionibus, & Ordinatio-
 „ nibus, Edictis quoque praedicti Inquisitionis Officii, &
 „ quorumcumque Ordinariorum, etiam Episcoporum, & Me-
 „ tropolitanorum Mandatis, Literis Pastoralibus, five Decre-
 „ tis, nec non ejusdem Officii, & quarumcumque Ecclesia-
 „ rum etiam Episcopaliū & Metropolitanarum, & quorum-
 „ cumque Ordinum, Congregationum, Religionum, & Insti-
 „ tutorum, etiam Societatis Jesu, aliisque quibuscumque, etiam ju-
 „ ramento, confirmatione Apostolica, vel quavis firmitate alia
 „ roboratis statutis, stilis, usibus, & consuetudinibus; privi-

„ legiis quoque , indultis , & Literis Apostolicis eidem Inqui-
 „ sitionis Officio , illiusque Inquisitoribus , Commissariis , aliis-
 „ que Officialibus , tum etiam Ecclesiis , eorumque Praelatis ,
 „ Ordinibus , Congregationibus , Institutis , Societatibus , illo-
 „ rumque Superioribus , & personis quibuscumque , sub quibus-
 „ vis verborum tenoribus & formis , & cum quibuscumque
 „ etiam efficacissimis & insolitis derogationibus , clausulis , at-
 „ que decretis , etiam Motu , & Apostolicae potestatis pleni-
 „ tudine similibus , seu ad quarumcumque personarum , etiam
 „ Regia , aliave qualibet mundana , vel Ecclesiastica potestate
 „ fulgentium instantiam , vel alias quomodolibet in contrarium
 „ praemissorum concessis , confirmatis , & innovatis .

„ Quidus omnibus & singulis , etiamsi pro illorum suffi-
 „ cienti derogatione , de illis , eorumque totis tenoribus spe-
 „ cialis & individua , ac de verbo ad verbum , non autem
 „ per clausulas generales idem importantes , mentio , seu quae-
 „ vis alia expressio habenda , aut alia exquisita forma ad
 „ hoc servanda foret , tenores praedictos pro sufficienter , &
 „ de verbo ad verbum expressis & insertis , formasque hujus-
 „ modi pro plene & exacte observatis habentes , ad prae-
 „ missorum effectum , hac vice dumtaxat specialiter , & ex-
 „ presse derogamus .

„ Volumus autem , ut earundem praesentium transum-
 „ ptis , sive exemplis , etiam impressis , manu alicujus Nota-
 „ rii publici subscriptis , & sigillo personae in Ecclesiastica
 „ dignitate constitutae munitis , eadem prorsus fides in judi-
 „ cio & extra ubique habeatur , quae adhiberetur ipsis prae-
 „ sentibus , si forent exhibitae , vel ostensae .

„ Nulli ergo omnino Hominum liceat paginam hanc
 „ nostrarum condemnationis , reprobationis , confirmationis ,
 „ sanctionis , prohibitionis , ordinationis , abrogationis , dero-
 „ gationis , & voluntatis infringere , vel ei ausu temerario
 „ contraire . Si quis autem hoc attentare praesumpserit , indi-
 „ gnationem Omnipotentis Dei , & Beatorum Petri & Pauli
 „ Apostolorum ejus se noverit incursum .

„ Datum in Arce Gandulphi Albanensis Dioecesis Anno

„ In-

53

Incarnationis Dominicae Millesimo septingentesimo quadra-
gesimo sexto, Quarto Nonas Junii, Pontificatus Nostri
Anno Sexto.

D. Card. Passioneus.

J. Datarius:

V I S A
de Curia I. C. Boschi.

L. Eugenius:

Loco ✠ Plumbi:

Registrata in Secretaria Brevium.

Multa profecto circumspeditione & aequitate diremtam vides obortam controversiam hujusmodi Pontificio Decreto; per hoc enim consulitur vitio, si quod fuit, praeterito, & futuris etiam temporibus norma praescribitur, quibus ab omni labe illaesum servetur salutare Poenitentiae Sacramentum. Heic igitur iterum configitur quaecumque perversa Confessariorum Curiositas, ac praecipue negantium absolutionem renuentibus revelare Complicem; eosque a Sacra Inquisitione puniendos Sancta Sedes decernit: *dummodo tamen hujusmodi interrogandi ac denegandi actus talibus circumstantiis conjunctus sit ac convestitus, quae sic agentem Confessarium de adhaesione ad praedictam reprobam praxim, tamquam ad licitam, vel alio quovis modo de prava credulitate suspectum reddant.* Si ejusmodi circumstantiae desint, deferendus non erit ille ad Inquisitionis Tribunal. Non desunt sane Confessarii simplicitate laborantes, qui melius conscientiae Poenitentis se prospicere posse aliquando putent, si nomen Complicis audiant. Fieri potest, ut nulla malitiae suspicio in ipsos cadat: quod non difficile prospici potest. Quum exempli causa de furtis, de fraudibus, de periclitante alicujus honore agitur: tunc bonus Confessarius (imprudenter fortasse) exquirat Complicis

D 3

nomen,

nomen, consilium, ut sibi videtur, opportunum daturus. Hic tamen illius error ad cognitionem Inquisitorum non pertinet. Idem infra aliis disertis verbis inculcat Pontifex inquires: *Quod si Confessarii de Complicis nomine perperam interrogantis, absolutionemque, ni sibi detegatur, denegantis actum contingat ejusmodi esse, ut quamvis imprudens & malus, simplex tamen quidam & nudus actus fuerit, idest iis circumstantiis destitutus, quae de prava credulitate, vel de mala adhaesione ad praxim in saepe dicto nostro Brevi reprobata, tamquam ad licitam, eundem Confessarium suspectum reddant: tunc istiusmodi delictum, neque denuntiationis oneri, neque Sancti Officii praedicti cognitioni subjectum erit; sed de illo cognoscere, atque in delinquentem Confessarium per suspensionem ab audiendis Confessionibus, vel alias Canonicas & legitimas poenas pro delicti modo animadvertere ad locorum Ordinarios in sua cujuscumque Dioecesi omnino spectabit.* Rectissime haec; nam ea, quae errorem aut suspicionem erroris contra Dogmata Fidei, aut Opiniones scandalosas & perniciosas a Sede Apostolica damnatas, minime continent, ab Inquisitionis jurisdictione semota sunt. Aequissimus vero Pontifex nihil voluit imminutum de ordinaria Jurisdictione Episcoporum, quam tamen laesam ab Inquisitore Generali iidem, ut supra vidimus, expostulabant.

Itaque si quis cognoverit, quemquam e Confessariis deliquisse modis in Pontificio Brevi expressis, obligatur ad illum denuntiandum Sancto Officio intra terminum triginta dierum, tunc solum quum circumstantiae occurrunt, quae indicent, aut justae suspicioni locum praebeant, Confessarium credere licitam hujusmodi interrogationem, quae intrinsece illicita sit, nisi forte legitima aliqua causa interrogandi, de qua supra agimus, intercedat. Ad hoc etiam, ut denuntiatio facienda sit Sancto Officio, exigit Pontifex, ut Confessarius Sacramentalem absolutionem Poenitentem denegarit. Exceptionem alteram nunc accipe. *Verumtamen, subdit Pontifex, ab hujusmodi onere justis de causis eximi volumus & eximimus personam ipsam Poenitentem dumtaxat in causa propria, idest in casu, quod suum peccatum confitens,*

a Confessario adigatur ad sibi manifestandum nomen Complicis in eodem peccato: tunc enim poenitentem huiusmodi ab obligatione eundem Confessarium denuntiandi liberamus. Sed quando aliunde, quam ex propria, ut dictum est, confessione, noverit, Confessarium aliquo ex superius enumeratis, & Sancto Officio denuntiandis modis deliquisse: tunc cum & ipse denuntiare ex ista aliunde habita notitia teneatur. Dejectum ergo heic habes ac protritum novum illud jugum, quod Lusitana Inquisitio ob nimium zelum molita est imponere humeris Poenitentium, & de quo jam patet, quam merito piissimi Regnorum illorum Episcopi fuerint conquesti. Bene sit Sanctissimo Pontifici, cujus sapientia & auctoritate redita lest. serenitas conscientis Lusitanæ gentis. At quid nunc dicendum de Eminentissimi Inquisitoris Edicto? Audi quæ Pontifex infra in hanc rem adjicit. Quaecumque, is ait, aliter quam præsentibus Nostris decrevimus & constituimus, sive in Edictis præfati Officii Inquisitionis, sive in quibuslibet quorumvis Ordinariorum Mandatis, aut Pastoralibus Litteris, vel Decretis antehac statuta prodierint, Nos, quoniam per Apostolicam hanc a nobis propositam agendi seu judicandi normam minus necessaria fore censemus, desinere jam & cessare, ac veluti numquam emanassent, omnem vim obligandi amittere, Motu proprio, & ex certa scientia, deque Apostolicæ potestatis plenitudine declaramus, statuimus, atque sancimus. Non poterat Summus Ecclesiæ universæ Pastor clarioribus verbis deformitatem illam, violentumque illud remedium tollere, quæ præcipuum argumentum querelis Lusitanorum Præfulum præbuerat.

Piget nunc dicere, neque sine dolore dicam: alia fuit mens Eminentissimis Patriarchæ, & Inquisitori Generali; neuter enim officio suo, & expectationi Apostolicæ Sedis respondit. Nimirum ii continuo agnoverunt, nihil deesse, ut quisque intelligeret, improbatum sublatumque Romæ fuisse Inquisitionis Edictum. Propterea Eminentiss. Patriarcha Pontificiam Decretalem evulgare renuit; Eminentissimus vero a Cugna non solum a revocando Edicto suo abstinuit, atque a

publici juris facienda Constitutione Pontificis, sed etiam se laesum arbitratus indoluit, Literasque secretas dedit ad summum Pontificem, quarum tamen nulla est habita ratio. Hunc animum satis antea expresserat Purpuratus iste; nam devoluta & pendente adhuc ante Pontificium Tribunal controverſi huiusmodi, quum recurrente hebdomada prima Quadragesimae vulgandum de more fuit Edictum Sacrae Inquisitionis, eidem novus iste casus cum Denuntiationis praecepto est additus: quod sane mirandi & conquerendi caussam dedit, utpote contra Iudiciorum regulas attentatum, & a reverentia erga visibilem & supremum Ecclesiae Judicem debita alienum. Quid heic prudentissimus Pontifex? Ubi Eminentissimi Inquisitoris averſam mentem intellexit, potuisset pro imperio agere, sed amoris & clementiae vias pro more suo praeferens, ad ipsum Eminentissimum non semel reſcripsit, hortando ut Edictum revocaret, ex non uno vitio, sed potissimum ex potestatis defectu undequaque ruinofum; eamque in rem, uti etiam Doctor privatus & prae ceteris Ecclesiasticae Doctrinae & Disciplinae peritissimus, grave & indecorum sibi minime duxit proferre Canonum & Theologorum concordem sententiam, in Inquisitionis Tribunali ubique observatam. Sed haftenus auribus surdis ceciniſſe fertur. Imo fama ſinvaluit, nova arma Ulyſſipone parari; Libellos etiam prodiiſſe ad fulciendam perperam impositam Poenitentibus de Complice interrogatis Denuntiationis obligationem; & eo usque proceſſiſſe nonnullorum audaciam, ut sine deformi isto remedio Fides Christi in Lusitania peritura diſtiteretur. Eruperunt etiam, qui declamarent, nihil dubitandum, quin ibi orta Haeresis altas radices jam egerit, cujus tamen ne unum quidem ſectatorem indicare poſſint, quum omnes errorem & praxim a Sancta Sede damnatam execrentur. En quid poſſit & audeat corrupta a coecis affectibus hominum mens. Denique ſat non fuit accusatoribus tantam piis quibusque Confeſſariis moleſtiam inferre, Satyricis quoque & contumelioſis ſcriptis, iſſque nemine reſiſtente proelo traditis, in Episcopos tanta veneratione dignos pagnarunt, eoſdem traducendo qua-

ſi Hae-

fi Haereticos, aut Haereticorum fautores. Num in hoc hominum genere Spiritus Dei? Heu quantam malorum & scandalorum segetem peperere Ediſta, ſine accurato Veritatis examine, atque indiſcreto tantum zelo procuſa.

Interea quid de huiusmodi controverſia ſentiendum ſit, nihil opus habet Lector, ut a me edoceatur. Tantummodo cum Patribus Concilii Chalcedonenſis Generalis dicam: *Petrus per os BENEDICTI XIV. loquutus eſt.* Nihil ultra quaerendum. Etiam cum Sancto Auguſtino Lib. 2. de verbis Apoſtoli dicam: *De hac cauſſa miſſae ſunt ad Sedem Apoſtolicam* Episcoporum querelae; *inde etiam Reſcripta venerunt: Cauſſa finita eſt.* Quod iuſtitia, quod ſapientia Apoſtolicae Sedis praecripiſit, lex omnibus futura eſt, praefertim poſtquam Conſtitutionem pro Luſitania conditam, ubique locorum obſervandam idem Pontifex juſſit die V. Octobris Anno Ch. 1746. Et quandoquidem Romano examini ſuppoſitum fuit Ediſtum Luſitanae Inquiſitionis, & de illo Romana Cathedra iudicavit, nulla dubitatio ſuper-eſſe poteſt, quin uti nullum & obliteratum futuris temporibus reputandum ſit. Si quis vero (quod Deus avertat) pertinacem ac ſuperbum gerens animum, aut Libris aut voce decretis Apoſtolicae Sedis obſiſtere aude- ret, & contra quod viſibile Eccleſiae univerſae Caput decrevit, vexare Chriſti Fideles in Luſitania pergeret: is non tantum gravis criminis reum ſe proderet, ſed etiam ſuſpicioni aditum aperiret, ſe perverſam aliquam atque Haereticalem Opinionem ſectari atque fovere.

Interim perſpecta Pietas Eminentiffimi Cardinalis Inquiſitoris quid aliud ſperare nos facit, niſi pacem, humilemque obedientiam Succelloribus Petri, quibus peculiari privilegio paſcendas oves Chriſtus tradidit, & praeeſſe univerſae Eccleſiae dedit? Fieri non poteſt, quin ipſe recogitet, quanta in Eccleſiaſticis rebus obedientia debita ſit Apoſtolicae Sedi; & quibus ſingularibus vinculis fidelitatis ſit ipſe obſtriſtus erga Pontificem, a quo Purpuram accepit; itidemque nullo divino jure niti Miniſterium ſuum; nullamque aliam ſibi in Chriſti Fideles iuriſdictionem & auctoritatem competere, quam quae Inquiſi-

quisitoribus tributa est a Romanis Pontificibus, & revocari etiam, quandocumque velint, ab ipsis posset. Istius veritatis memorem eundem Eminentissimum Cardinalem facit ipsa Pontificia Constitutio hisce verbis, quibus mandat Regnorum atque Ditionum Lusitaniae Inquisitoribus, ut *potestate a Nobis traditâ, & quatenus opus sit praesentium tenore de novo concessâ, poenas in delinquentes decernant*. Horreret quisque profecto, ubi Delegatum quemquam intueretur plus velle sapere, plus velle posse, quam Delegans. Si Purpurati hujus zelo abusus est aliquis ex hominibus veram scientiam & Prudentiam oblitis, res poscit, ut is ad vocem Petri judicantis in rectam semitam se rursus convertat. Ad haec fieri nequit, quin ipse statim animadvertat, quantopere laudandus sit, & praefendus rigoribus Lusitanæ Inquisitionis moderatus ac prudens zelus Apostolicae Sedis, quæ abusus quidem & excessus ad Ecclesiae jura spectantes, sublatos ubique cupit, & auferendos curat; sed imitata Deum, Justitiam Clementiâ & Misericordiâ temperare consuevit. Nimius enim rigor in ipsam Christi Religionem, adeo mitem ac suavem a Deo institutam, odium, disteria, hostilemque animum excitat, & ab ea amplectenda Judæos atque Infideles deterret. Certe Lusitanæ Inquisitionis zelum immodicum sinistra fama deprædicat. Fortassis immerito. Attamen Cardinalis Albitius de Inconstantia in Fide Cap. XV. num. 20. & sequ. testis est, *saepe saepius*, ac praesertim sub Clemente VIII. Urbano VIII. Clemente X. & Innocentio XI. conquestos fuisse Lusitanos de regionum illarum Inquisitione, veluti non pauca gravamina Fidelibus inferente, & ab iisdem Summis Pontificibus remedia etiam fuisse, quantum ad se spectabat, apposita: adeo verum est, Zelum, qui ad excessus & novitates nimis duras declinat, inter mala esse numerandum, atque ab Ecclesia benignissima Matre nostra minime ferendum. Vix autem dubitari potest, quin consideratâ Prudentiâ & Constantia Sanctissimi nunc sedentis Pontificis, & Eminentissimi Cardinalis Inquisitoris Pietate, praesenti turbationi brevi futurus sit finis. Ubi vero adhuc tumultuari, &

vene-

venenosis Satyris, piæ gentis, ipsorumque sacrorum in Lusitania Antistitum (quorum Dignitatem tanta cura Sedes Apostolica illaefam voluit) nonnulli famam lacerare pergunt : ii tandem satis testabuntur, se iniquis affectibus ad excitandam hanc tempestatem fuisse commotos, atque etiamsi pro merito debitis poenis minime plectantur, in omnium tamen sapientum & proborum Christi Fidelium execrationem incurrent .



INDEX

I N D E X.

CAP. I.

Regulae Confessariis praescriptae in Sacramen-
to Poenitentiae, quod est ad Complices
in peccatis. pag. 5

CAP. II.

Turbae in Portugalliae & Algarbiorum Re-
gnis exortae ob nomina Complicum a
nonnullis Confessariis exacta. 8

CAP. III.

Praecedentis Decretalis justae causae, & quam
prudenter in Decreto hoc processum fue-
rit. 13

CAP. IV.

An damnatus abusus fuerit Lusitaniae Clero
adscribendus. Continuatae turbae vel post
Pontificiam Decretalem. 19

CAP. V.

Utri partium in hujusmodi concertatione ma-
jor fides habenda. 24

CAP. VI.

An iuste de usurpata auctoritate conquesti fuerint Lusitaniae Episcopi. 27

CAP. VII.

An leges de rebus novis ad Dogma, & Disciplinam Ecclesiae spectantibus ab Inquisitionis Lusitanae Tribunali, inconsulto Summo Pontifice promulgatae, obligent Fideles. 32

CAP. VIII.

De denuntiandi obligatione a Tribunali Lusitanae Inquisitionis imposita. 35

CAP. IX.

Alterum Lusitani Edicti vitium ex obscuritate praecepti, & ex defectu potestatis. 41

CAP. X.

Quid actum, quid agendum in hujusmodi controversia. 45

MUTINAE MDCCXLVII.

Ex TYPOGRAPHIA BARTHOLOMAEI SOLIANI
Superiorum Permissu.



